


得

効

方



十四五

得効方卷第十四

大全婦人良方

建寧路官醫提領陳志

南豐州醫學教授危亦林

江西等處官醫副提舉余賜山

產科兼婦人雜病科

濟陰論

夫濟世之道莫先於醫論醫之難濟陰猶急何則婦人之病比之男子十倍難療或云七癥八瘕九痛十二帶下共三十六病雖有名數莫詳證狀推原其理無非血病多因經脉失於將理產蓐不善調護內作七情外感六淫陰陽勞逸飲食生冷遂



致榮衛不輸新陳干忤隨經致濁淋露凝滯為癥
為瘕流溢穢惡痛害傷痼以致所患不一而止犯
時微若秋毫感病重於山嶽是也故女子十四而
天癸至天謂天真之氣降癸謂壬癸水名故云天
癸而衝任脉主之衝任者血之海也月水者經絡
之餘也蓋婦人以血為本心生血肝行血榮衛四
體如環無端灌注百脉餘者為月候以時而行若
水溢自流不自知覺故織病不作而氣體充盛而
有子矣其有來多不斷或過期不來或未期而先
來參差不一而病生當其來時則一上日之前腰
腹滿痛或頭疼作熱百節攣急甚於重患過此則
發為虛熱自汗加以五心內熱遂為虛勞血少水

涸燥氣乘肺則為咳嗽宿寒留滯血與氣搏則為
腹痛敗血結塊時發寒熱則為癥瘕或風寒濕滯
經血化為水流溢四肢謂之血分脾不能制血與
水并浮脹肌肉謂之虛腫或衝任氣虛內慾過度
風邪冷熱之氣入於胞門穢液與血兼下冷則多
白熱則多赤冷熱不調赤白相半或為赤白帶下
若衝任勞損經海動傷脾虛胃弱不能約制其血
倏然暴下故謂崩中漏下所下五色各應五臟五
臟俱虛五色併下以致眩暈煩悶嘔惡怔忡迷亂
多忘發狂妄語小便不禁是皆血之為病也復有
生於嬌貴之家愛憎在念而氣逆于中故氣有一
息不行血有一息不運則胸腹脹痛眩暈嘔噦倦

乏不自勝持飲食不為肌膚致成重患治療之際
調氣為上調經次之斯可為定法受孕之後切宜
避忌胎殺所遊如經云刀犯者形必傷泥犯者竅
必塞打擊者色青黯繫縛者相拘攣甚至母殞驗
若返掌斷不可忽半產一證非如正產正於如果
中粟熟其殼自開兩無所損若半產則比之採斫
新粟碎其膚殼損其皮膜然後取得其實半產正
類此以其胎臟傷損胞繫斷去而後胎墜下皆因
月未滿是誤服藥餌忽塞邪熱毒所傷忽舉重打
傷跌撲或犯禁忌或衝任脉虛漏下所致生死形
候亦如正產察認大抵半產須加十倍調治或外
證喘促痰壅恍惚昏迷不語惡露斷絕煩渴或變

產候無復生全其有惡露通昏迷乍醒不喘促猶
可治也復有市井之家村落之婦恣情妄作偷生
不正或多男女厭於養育徃徃以早藥毒之驚見
敗血不下衝心悶亂喘痰虛汗交作死者罔記聞
者可不為戒治之者須以解毒行血藥亟救則十
全二三矣逮夫正產有娘六七月切忌恣情交合
入月亦忌飲酒叫怒洗頭臨產必難產婦古以陣
面健兒為喻可謂危矣臨產之初先脫尋常所穿
衣以籠龜頭及竈口則易產不可喧鬧宜謹選
熟善坐婆及得力家人扶持無使揮霍致令產婦
憂恐惟當食軟飯糜粥之類若腹中痛且令挾行
或痛或止名曰弄痛不可便行試水手探聽產母

坐卧切須熟忍或服催生符藥却不可曲腰眠睡如連腰引痛眼中如見火色此是兒轉盖腎則繫於腰胞繫於腎貼於脊更盡脉轉甚弦如急珠者即其驗矣又須令人扶策徐徐而行若行步艱難即凭物立須更扶策再行直至腰腹相引陣痛頻頻又服催生藥勉強扶行痛陣轉甚難於行立認是產時將至然後坐草切勿太早恐子在腹中難於轉側及胞漿先破子道乾澁皆至難產務要產婦惜力若心中熱悶以蜜一匙新汲水調下若熱悶未解以生鷄子一箇打破吞服直待兒迫產門頭面端正然後令人抱腰其抱腰之人不得傾斜則兒順其理自然易產又有卧產者須待卧定背

平著席體不偃曲則兒不失其道必無難產之理時當盛夏宜居深幽淨室日色遠處開啓牕戶多貯清水以防血暈血悶血溢妄行血虛發熱之證如冬末春初天色凝寒宜密閉產室室塞罅隙內外生火常令暖氣如春仍下襲衣服不可去綿方免胎寒血結母致難產矣及至產訖先令飲童子小便一盞無使就睡且令閉目而坐頃之方可扶置於床宜仰卧立膝勿令伸足睡熟亦宜頻喚醒產室無俾風著其肌致生他疾况產下切未可以得男為喜恐為紅汗之證得女為憂恐致敗血衝心之患惟當頻吸艾醋等湯藥常焯醋煙以防紫悶逡巡進步白粥毋令過飽其有破水之後經日

而不產者又當隨證細辨身重體熱作寒面黑舌青及舌上冷母死子活面赤舌青母活子死唇口俱青吐沫子母俱斃倉皇之間救治不可不審且當預與病家言之若胎衣不下者停待稍久非惟產母疲倦又且血流入胞中為血所脹上衝心胸喘急疼痛必至危篤宜及斷臍帶以少物繫墜繫墜之時尤宜用心拴繫然後截斷不爾則胞上搶心而死須使其子血脉不潮入胞中則胞衣自當痿縮而下縱淹延數日不亦害人子治療多見之欲惟產母心懷安泰終自下矣未可輕信坐婆妄用手法因此而殂正產後中風口眼喎斜角弓反張六脉緊大自汗過多虛極生風唇青肉冷剛柔二瘥項背彊硬手足攣急咬齒嚼舌血虛眩暈頻發悶絕氣冷口鼻黑起出血不止虛熱變生名胃絕肺敗喉中氣急喘促不息煩渴殊甚惡露斷絕名孤陽絕陰五七日內彊力下床或憂怒大過一月之內或傷於房事或亂行針艾以致眼澁口噤肌肉瞶搖腰脊彊直語言不出類皆難治猶宜敬謹外此傷寒及諸雜病與男子等當以理血藥為助臨治之際宜以意消息而加減之

護胎

驗胎法一婦人經脉不行已經三月飲驗有胎

川芎

兩半生用
不見火

右為末空心濃煎艾湯調下方寸匕覺腹內微

動則有胎

〔參蘇飲〕治外感風寒渾身壯熱眼暈頭旋或洗項背或當風取涼致令頭目昏痛增寒甚至心胸煩悶妊娘不可輕易投劑止宜用此以散表邪及治痰飲嘈煩忪悸嘔逆不食腹滿此藥至和而且平嘔加白朮腹脹枳實虛煩竹葉煩燥大渴麥門冬知母水停心下微吐逆茯苓頭痛川芎腹疼加白芍藥科方傷寒大類

〔香蘇散〕治妊婦增寒壯熱頭痛身疼加川芎川白

芷生薑葱白煎得微汗解科方傷寒大類

〔石膏湯〕治妊婦傷暑頭疼惡寒身熱躁悶四肢疼痛背項拘急唇口乾燥

柴胡 四兩

甘草 二兩

石膏 八兩

右剉散每服三錢水一盞生薑五片煎不拘時候溫服若氣虛體冷加人參二兩

〔加減安胎飲〕凡婦人晝眠不起倦於梳飾軋惡心擇食怕聞飯氣但喜鹹酸止經候明矣氣血弱者宜服此藥進脾葉安胎溫養令母臟氣平和陰陽全備免有損墮之患盛者受胎母無疾耳溫胎保養之劑恐非所宜此方兼治胎動不安腹痛漏下或胎奔上刺心短氣大效漏胎下血不可用僭燥熱藥

條參 去芦

嫩黃耆 去芦

楊芍藥

大川芎

熟地黃 酒洗切炒

川續斷 去芦

側柏葉炒

阿膠麩炒

粉草

大當歸去尾各等分

右剉散每服四錢水一盞半生薑三片金銀器各一件漏下不止加熟艾一握又如胎動口噤唇青下利不止亦用熟艾一兩酒三盞煮至二盞去滓灌之即安

〔桑寄生散〕治妊娠或因房室驚觸勞力過度傷動胞胎或食毒物致令子宮虛滑經血淋瀝若不急治敗血湊心子母難保日漸胎乾危亡不久

桑寄生

當歸去芦酒浸

川續斷酒浸

川芎

香附子炒去毛

茯神去木

阿膠剉碎子炒成珠子

白朮各一兩

人參

甘草炙各半兩

陳艾葉一兩

烏梅去核半兩

右剉散每服四錢水一盞半生薑五片煎不以

時溫服

治漏胎下血胎上衝手足逆冷欲死

右用生艾汁二盞阿膠白蜜各二兩煎一盞半

稍熱服之無生艾濃煎熟艾一方加竹茹一大

塊同煎

治胎動出血產門痛 黃連為末酒調一錢日三

服

〔急救方〕治漏胎下血不止胞乾子母即死

生地黃汁一升好酒五盞煎五沸分三服或為末酒服

〔黃芩湯〕治胎孕不安

黃芩

當歸各等分

白朮

縮砂

右剉散每服三錢水一盞半煎溫服

〔小安胎飲〕治妊娠從高墜下或為重物所壓觸動胎氣腹痛下血服此後覺胎動極熱胎已安矣

縮砂不拘多少

右於熨斗內炒令熱透却去皮取仁研為末每服二錢熱酒調服不飲煎艾鹽湯或米飲不拘

時候調服

〔加味二陳湯〕治受胎一月或兩月嘔吐擇食緣中脘宿有痰飲經水止後氣滯所作名曰惡阻

陳皮

白朮兩半

白茯苓各一兩半

半夏一兩

右剉散每服四錢生薑三片烏梅一箇煎食前

服未效加生薑汁

〔小參蘇飲〕

紫蘇

厚朴

白茯苓

半夏

甘草

各三錢

各五錢

右剉散每服三錢水一盞生薑五片棗二枚煎

溫服客熱煩渴口生瘡者加知母前胡腹冷下

利加桂心炒胃中虛熱大小便秘加黃金頭疼

加細辛川芎

〔木香口〕治妊娠飲食過度

木香 不見火

三稜 炮

人參

白茯苓 去皮 等分

右為末麪糊口菜豆大每服三十口熱水下不拘時候

白朮散治妊娠氣不和飲食不美

白朮 炒

紫蘇 各一兩

白芷 微炒

人參 各三兩

訶子皮

青皮 去白

川芎 各二分

甘草 炙一分

右剉散每服三錢水一盞生薑三片煎不拘時候

紅圓子治惡阻竒效每服三十口空心薑湯服見方

大方科 痰瘧類

保生口治妊娠將理失宜或勞役胎動不安腰腹痛重胞阻漏胎惡露時下或子臟挾疾久不成胎或受妊不能固養痿燥不長過年不產日月雖滿轉動無力或致損墜

麻仁 去殼 一兩

當歸 半兩 微炒

乾薑 炮

肉桂 去皮

秦椒 去日閉汗 者炒

石斛 去根

石膏 研如粉

黃芩

糯米

貝母

甘草 炙赤

大豆黃卷 各一分

右為末煉蜜口彈子大每一口溫酒棗湯化下空心嚼下亦可方內用北黃芩麻仁性寒之藥人疑不服殊不知娠中有風風中有熱風熱既

靜其胎必固黃芩能去子熱麻仁能去子風亦可服后參苓白朮散

參朮白朮散

方見大方科脾胃類

杜仲口治妊娠二三月胎動不安或曾受此苦每遇有懷至期損墮可預服此以養胎氣不爾胎墮其危甚於正產

杜仲

去皮剉薑汁炒斷絲

川續斷

酒浸洗焙各二兩

右為末棗肉煮爛杵和為口梧子大每服七十口空心米飲酒下日三服

歸涼節命散治妊娠恣情飲酒或食生果魚羊雞麪毒物致令百節酸疼大小腑秘澁面赤口苦心煩腹脹

川芎

芎根

楊芍藥

麥門冬

去心

當歸

去芦

白朮

各一兩

糯米

半合

甘草

炙半兩

右剉散每服三錢水一盃煎溫服不拘時候

內補口安胎扶虛助陰滋血

熟地黄

二兩洗酒拌炒

大當歸

一兩去尾切片微炒

右為末煉蜜口梧子大每服三十五口溫酒下與枳殼散兼服若單服枳殼散恐有胎寒腹痛之疾二藥皆不羣隊為妙仍用平胃散蘇鹽湯調助脾進食

竹茹湯治妊娠乾嘔頭痛寒熱往來五心煩悶四肢不和

人參

麥門冬 去心各五錢

陳皮 去白

甘草 二錢半

白朮

厚朴 去麩皮切薑炒

茯苓

竹茹 各五錢

右剉散每服三錢水一盞半生薑三片煎不以時溫服

〔竹葉湯〕治妊娠苦煩悶者以四月受少陰君火氣以養精六月受少陰相火氣以養氣若母心驚膽寒多好煩悶名子煩

防風 去

黃芩 各三兩

麥門冬 去心三兩

白茯苓 四兩

右剉散每服肆大錢水一盞半竹葉十數皮煎溫服一方去黃芩加人參半兩

〔知母〕治產難及日月未足而痛如欲產者

知母

右為末煉蜜口如雞頭子每服一口溫酒嚼下日三服

〔榆白皮散〕滑胎易產治妊娠漏胎去血及臨產驚動大早產時未至穢露先下致使胞胎乾燥臨產艱難並宜服之

榆白皮

葵根

瞿麥 各一兩

大麻仁 去殼

木通 半兩

川牛膝 三分去苗酒浸切焙

右剉散每服三錢水一盃半煎溫服

〔知母飲〕治妊娠心脾壅熱口乾渴苦煩悶

赤茯苓

黃芩

黃耆

各三兩

知母

麥門冬

去心

甘草

各二兩

右判散每服三錢水一盞半桑白皮柒寸煎成入竹瀝一合服不拘時候胎臟受熱最宜服之一方去黃耆知母加地骨皮犀角屑嫩葛各三分

〔保氣散〕安胎寬氣進食瘦胎易產設或居處失宜偶然頓仆胎痛漏胎下血兼服芎歸湯枳殼散

大腹皮

紫蘇

枳殼

去穢

桔梗

粉草

縮砂

香附子

各等分

右判散每服三錢水一盞半煎食前服

〔冬葵子散〕治妊娠小便不利身重惡寒起則眩暈及水腫

冬葵子

赤茯苓

右為末每服三錢米飲調服不拘時候利則住

服如不通恐是轉胞加髮灰少許神效

〔大腹皮散〕治妊娠大小便赤澁浮腫

枳殼

大腹皮

甘草

各一錢

赤茯苓

右為末每服一錢濃煎葱白湯調下不拘時候

〔鯉魚湯〕治同上

當歸

去芦酒浸

白芍藥

各三錢

白茯苓

四錢

白朮

五錢

右到散每服四錢用鯉魚一尾不拘大小破洗
鱗腸白水煮熟去魚每用魚汁一盞半生薑柒
片橘皮少許煎至一盞空心服如胎水未盡再
服

八味口治婦人病食飲如故煩熱不得卧而反倚
息以胞系了戾不得溺故致此病名轉胞但利小
便則愈以此藥中有茯苓故也方見大方
斜脚氣類

赤小豆湯治妊娘手脚腫滿攣急

赤小豆 商陸乾各等分

右到散每一兩用水一椀煎七分盡取清汁服

腎著湯治妊娘腰脚腫痛

茯苓 白朮各四兩 乾薑

甘草 杏仁湯洗去皮尖
各三兩重

右到散每服肆錢水盞半煎食前服

安胎和氣散治胎冷腹脹虛痛兩脇虛鳴臍下冷
疼小便數大便滑

訶子麩裏煨
去核 白朮各一兩 陳皮半兩

高良薑炒 木香不見火 白芍藥

陳米炒 甘草炙各半兩

右到散每服四錢水一盞半生薑五片煎不以
時溫服忌生冷

紫蘇飲子治胎氣不和懷胎近上脹滿疼痛謂之
子懸又治臨產驚恐氣結連日不下

紫蘇連莖一兩 川當歸三分 人參

川芎

白芍藥

陳皮

甘草分炙一

大腹皮兩半

各半

右劉散每服三錢水一盞半薑四片葱七寸煎空心服

〔安榮散〕治小便淋瀝名曰子淋或作轉脬治不愈者

麥門冬

通草

滑石錢各一

當歸去芦酒浸

燈心

甘草炙各半兩

人參

細辛洗各一錢

右為末每服三錢煎麥門冬湯調不拘時服一方止用檳榔赤芍藥各等分水煎空心服屢效

〔桑螵蛸散〕治妊娠小便不禁

桑螵蛸

十二箇炙

右為末每服二錢空心食前米飲調下

〔二白散〕治妊娠遺尿不知出

白薇

白芍藥各等分

右為末每服二錢食前酒調服

〔當歸芍藥湯〕治妊娠腹中疝痛下痢心下急滿

白芍藥

白茯苓

當歸去芦酒洗

澤瀉

川芎各一兩

白朮一兩半

右為末每服三錢溫酒或米飲調空心食前服忌生冷

〔蒙薑黃連口〕治妊娠下痢赤白腸鳴後重穀道疼痛

乾薑炮

芎藭

乳香別研三錢

黃連去鬚 阿膠剉焙 枳殼去穢炒半兩

縮砂仁炒 白朮各一兩

右為末用鹽梅三箇取肉入少醋糊同拌勻口如梧子大每服四十口白痢乾薑湯下赤痢甘草湯赤白痢乾薑甘草湯下不拘時服

〔雞黃散〕治懷身下痢赤白絞刺疼痛

雞子

一箇烏者尤妙就頭作竅傾出清者留黃者

黃丹

厚紙裹入前雞子殼內打令黃勻以

右為末每服二錢米飲調下一服愈者是男兩服愈者是女奇效

〔生料平胃散〕治妊婦兩脚浮腫名曰脆脚因脾衰

不能制水血化為水所致每服三錢薑棗煎服為

末蘇湯調亦可方見大方科脾胃類

〔百合散〕治妊娘風壅相交咳嗽痰多心胸滿悶

百合蒸

紫苑茸洗

貝母去心

白芍藥

前胡去芦

赤茯苓各一兩

桔梗去芦炒一兩

甘草炙半兩

右剉散每服肆錢水一盞半生薑五片煎不以時溫服

〔羚羊角散〕治妊娘中風頭項強直筋脉攣急言語蹇澁痰涎不消或發搐不省人事名曰子癇宜服

羚羊角鎊

川獨活去芦

酸棗仁炒去殼

五加皮去木各二錢

薏苡仁炒

防風去芦

當歸 去酒浸

川芎

茯苓 去木

杏仁 去皮尖

木香 不見

甘草 錢各二

右劉散每服四錢水一盞半生薑五片煎不拘時溫服

人參養胃湯治妊娘作瘧寒多不食 方見大方科傷寒陰證類

未效略加常山

清脾湯治妊娘作瘧熱多者

青皮

厚朴 去麤皮薑汁炒

白朮

草果仁

柴胡 去蘆

茯苓

半夏 湯洗

黃芩

甘草

人參 各等分

常山 半一

右劉散每服四錢生薑五片正地骨皮少許煎

不拘時溫服或加麥門冬去心二拾粒 未效服

方見大方科痰瘧類

消風散治妊娘頭旋目暈視物不見腮項腫核若

加涎壅危在須臾急宜服之

石膏

甘菊花 去枝梗

防風 去蘆

荆芥穗

川羌活 去蘆

羚羊角 鎊

川芎

大豆黃卷 炒

當歸 去蘆酒洗

白芷 各一兩

甘草 半兩

右劉散每服四錢水一盞半入好茶半錢煎食

後通口服有一妊婦患此服之病減七八獲安

分婉其眼帶吊起人物不辨後服四物湯加荆

芥防風更服天門冬飲子但以此二藥相間服

目漸稍明大忌酒麪煎炙燒燻鷄羊鵝鴨豆腐
辛粹一切毒食并房勞及稍溫藥如不然眼不
復明矣蓋此證為懷身多居火閣衣著裊褥厚
蓋伏熱在裏或服補藥因食熱物太過致令胎
熱肝臟壅極風衝入腦所致

天門冬飲子

天門冬去心

防風去芦

川羌活去芦

知母

五味子

人參各七錢

羌蔚子各一兩

茯苓

治傷寒熱病護胎方
右到散每服肆錢生薑三片煎食後溫服

乾浮萍

朴消別研

大黃微炒

蛤粉炒

藍根各一分

右為末水調三錢貼臍上安胎解煩極妙一法
伏龍肝末水調塗臍下乾則換或用井中泥塗
心下乾即換

罩胎散治妊娠傷寒天熱悶亂燥渴恐傷胎臟

蚌粉兩半

嫩卷荷葉焙乾

右為末每服二錢入蜜少許新汲水調下食前
服研家園生葛汁服亦安

治妊娠咳嗽方

麥門冬去心

紫苑去土

桑白皮

杏仁去皮尖

甘草炙

桔梗油浸

右到散每服三錢水二盞竹茹一塊鷄子大煎

至一盞入蜜半匙去滓頻服

〔又方〕治如前

貝母去心到麩炒令黃

右為末研砂糖拌和令勻口如雞頭大含化一

口神效

〔苦參〕治妊娠小便難飲食如故

當歸去尾

貝母炒

苦參各三兩

滑石兩半

右為末煉蜜口如小豆大米飲下二十口不拘

時候

〔八味〕治法見前方見大方科脚氣類

治妊娠大便秘方

防風二兩

甘草一兩

枳殼三兩

右為末每服一錢沸湯點食前日二三服

治妊娠洞泄寒中方

厚朴

乾薑二味并令同炒至乾

右為末糊口梧桐子大米飲下二十口食前服

〔八正散〕治妊娠心氣壅胎氣八箇月散墜手足浮

腫急痛不安難產

瞿麥到

木通到去皮節

滑石

大黃到麩裏煨切焙

篇蓄一名地扁竹

車前子

山梔仁

甘草各等分

右到散每服三錢水一盞茴香一撮同煎熱服

治妊娠失音不能言方

奇病論曰人有重身九月而瘖何也歧伯對曰胞之絡脉絕也何以言之胞絡者繫於腎少陰之脉貫腎絡舌本不能言治之奈何曰無治也當十月復產前軟跨方

甘草

生薑

烏梅

各等分

右剉水一大盞煎服便令跨骨軟產宮受氣痛不攻作

大聖茯苓散治妊娠氣悶或為喧呼心忪悸亂睡裏多驚兩脇膨脹腹滿連臍急痛坐卧不安氣急逼迫胎驚者屢効

白茯苓皮去

川芎

各一兩

麥門冬

去心一兩

黃耆

去芦蜜炙一兩

當歸

去芦酒浸一兩

木香

不見火

條參

甘草

各半兩

右剉散每服肆錢水一盞半生薑五片煎温服不拘時候常服至分娩亦無恙安養胎氣甚佳

救生散安胎益氣易產令子緊小令母無病

人參

炒

訶子

煨去核

麥蘖

炒屢

白朮

神麴

炒

橘紅

右剉散每服三錢水一盞半煎空心服

枳殼散瘦胎易產抑陽降氣兼治胎中一切惡疾

枳殼

小厚實弦者熨炒去穢二兩重

粉草

一兩

右為末每服二錢沸湯調空心日三服至七月方可服忌登高厠大便秘澁加防風體弱加大

當歸去尾木香各等分胎肥壅溢動止艱難臨
產難生加乳香髮灰效積殼能逐水消脹滿逆
氣若臨月多服則當產之時無脹滿逆氣產道
順而易生誠有補於世也又治腸中諸疾下氣
寬膈加炒去毛香附子一兩為末薑湯調下冷
氣攻刺脅肋疼痛葱白湯脾寒血氣成塊作痛
熱酒調大小便不通白牽牛為末加入熱湯調
服

治兒在腹中哭方多年空屋下鼠穴中土一塊令產
母噙之即止一方川黃連濃煎汁母呷之

治鬼胎如抱一甕

茱萸

川烏去皮

秦艽

柴胡

白僵蠶好者洗

川巴戟生用

巴豆去殼不去油

芫花醋炙各一兩

右為末煉蜜口梧桐子大每服茶粒蜜酒吞下
惡物即時取下愈

轉女為男法

論曰陰施陽化所以有娠遇二陰所會多生女子
但懷娠三月名曰始胎血脉不流象形而變是時
男女未定故令於未滿三月間服藥方術轉令生
男也其法以斧置妊婦床下繫刃向下勿令人知
恐不信者令待雞抱卵時依此置窠下一窠盡出
雄鷄此雖未試亦不可不知凡受胎二月逐物變
化故古人立胎教能令生子良善長壽忠孝仁義

聰明無疾蓋須十月之內常見好境象無近邪僻
真良教也

月遊胎殺所直正月床二戶三門四竈五母身六
竈七碓八厠九門十戶十一爐十二床
日遊胎煞所直甲巳日門乙庚碓磨礮丙辛井竈
丁壬厨廨戊癸米倉子丑中堂寅卯辰酉竈巳午
門未申籬下戌亥房

保產

（收生法）凡橫逆等證則當以手法為活收生之人
擇揀老成良善臨期須心平氣和施以妙手亦宜
真言叮嚀詳盡其意乃不可用燥性之徒恣其
麓愚因而傷命如橫產謂兒先露手或臂者治法

當令產母安於仰卧收生之人徐徐先推兒下截
令直上漸通手以中指摩其肩推上而正之漸引
手攀其耳令頭正候兒身正門路順却投催生藥
安詳上草自然易產若逆產謂兒先露足者治法
亦令產母仰卧分毫不不得用力亦不得驚恐收生
之人徐徐推其足就一邊直上候兒自順若良久
不順又漸漸推兒頭就一邊令其順下待兒身轉
順門路正當却用催生之藥即產又如偏產謂兒
頭偏柱一傍雖逼近產門初非露正頂止露額角
者治法亦令產母仰卧收生之人輕輕推兒近上
以手正其頭令兒頭頂端正向產門又有兒頭后
骨偏柱穀道者當以綿衣炙焙令熱裹手急於穀

道外傍徐徐推之漸漸近上然後上草至如礙產
謂兒頭雖正產門而不能生下者或因兒轉臍帶
攀掛其肩致不能生者治法令產母仰卧收生之
人輕手推兒近上徐徐通手引中指按兒兩肩理
脫臍帶兒正即產又有坐產謂兒將欲生產母疲
倦不能行立久坐椅蓐抵兒生路不能下生者治
法當於高處懸吊手中或縮帛一條令產母手攀
輕輕屈足良久兒即順生更有盤腸產者臨分娩
產腸先出兒即隨產俗用冷水噴產母面其腸自
收此法虛弱之人切不可用恐驚怯成病或即脫
絕舊法以草麻子肆拾玖粒研爛塗腦頂自然收
上如收上即以水洗去頂上草麻又有久而其腸

為風吹乾不能收者以磨刀水少許火上溫過以
潤其腸煎好磁石湯一盃令產母服其腸自收矣
補中湯養新血去瘀血補虛扶危治月未滿半產

乾薑炮

阿膠剉蛤粉炒

芎藭

五味子各一兩

白朮

黃耆去芦蜜水炙

當歸去芦酒浸

赤芍藥各一兩半

人參

木香不見火

杜仲去皮剉炒

甘草各半兩炙

右剉散每服肆錢水一盞半煎通口服不拘時

候

神妙佛手散治妊娠自四五月至七月因而築心
氣疾欲絕用此探之若不損則痛止子母俱安若
胎已損即便逐下

當歸

去芦酒浸

芎藭

各一兩

右剉散每服肆錢酒一盞煎令欲乾却入水一盞再煎三二沸温服如口噤者時時灌下如人行五七里再進一服不過三服便生也

〔神應黑散〕最治難產因緣自有難易其如橫逆皆因坐草太早努力過多兒轉未逮或已破水其血必乾若先露手為之橫或先露之為之逆養生方云倉皇之間兩命所係不可不知此藥之功也人多不服以為極賤之藥大槩產難或一日兩日未免水血先下如舟坐灘殊不知香白芷百草霜再固其血服之如魚得水決自轉生兼治月水不調崩中等疾

香白芷

百草霜

各等分

右為末每服二錢童子小便米醋各半呷許沸湯澆入六七分點服見功甚速再服即分晚矣或用蜀葵子四十九粒白滑石末三錢順流水煎湯調空心二服如人行五里即下

〔龍蛻散〕催生秘傳

蟬退

一兩燒存性

大蛇蛻

火燒存性一條

滑石

半兩

葵子

一兩微炒

右為末每服一錢順流水微温煖調下不可使

熱湯

〔遇仙雄黃丹〕催生

雄黃

不夾石者

朱砂

各一錢半

草麻

十四介去皮

大蛇蛻尺

右為末漿水飯和口彈子大臨產時先用椒湯淋洗臍下次安藥於臍內用蠟紙數重傅藥上以闊帛繫之須臾即生急取下藥一口可用三遍

加味芎藭湯一治產五七日不下垂死者及矮石女子交骨不開者

右用川芎當歸各一兩自死乳龜殼一箇酥炙生男女者婦人頭髮一握燒存性共為散每服三錢水一盞半煎服屢効約人行五里生胎死胎俱下無自死龜殼用鑽龜廢殼亦可
勝金散一治難產逐敗血即自生若橫逆則轉活子

死腹中則胎軟膨寬即產祖宗秘傳千金不授用者敬之

王不留行

酸漿死胎倍用

芫薺子

白蒺藜去刺

五靈脂行血宜

右各等分為散每服三錢取利方水一盞半入白花劉寄奴子一撮

同煎温服大効

應急方一催生隨其便而用之

右用清油同蜜等分少許湯調頓服蜀葵子炒為末服順流水温煖調亦下死胎好京墨新汲水濃磨服之墨水裏兒出立効敗筆頭二箇燒以藕節研自然汁温酒調下效
催生湯一治姪娘欲產痛陣尚踈難產經三兩日不

生胎死腹中或產母氣乏萎頓產道乾澁纔覺痛
密破水後便可服

蒼朮

洗二兩米泔色浸

小厚枳殼

去穢切

白桔梗

薄陳皮

去穢

揚芍藥

川白芷

大川芎

各一兩

大當歸

去尾一兩

交趾桂

去麤皮不見火

半夏

湯洗

粉草

麻黃

去節

軍薑

去皮

厚朴

去麤皮薑汁炒

南木香

不見火

杏仁

去皮尖別研

白茯苓

各五錢

右為末每服二錢順流水溫煖調下若覺熱悶
白蜜湯下或剉散入真米醋一合煎方內用揚
芍藥肉桂能開通子宮其餘藥味皆助氣之盛
閉竅自通麻黃內通陽氣陽氣盛則血行即產

矣外却寒邪去積聚皆得其宜寒月用之甚為
的當陰暑之時恐難輕服但以五苓散用葵子
燈心煎湯調下卻暑清魂滑胎易產胞漿先破
則胎乾難產用白蜜清油浸以熱酒令得所頓
服胎氣既潤即分娩矣

〔催生丹〕治產婦生理不順產育艱難並宜服之

十二月兔腦髓

去皮膜研如泥

通明乳香

一分研細

母丁香末

錢一

麝香

一字研細

右拌停以免腦髓口如雞頭穰大陰乾用油紙
密封貼每服一口溫水下即產

〔烏金散〕治難產熱病胎死腹中或因頓仆或從高
墜下或房室驚搖或臨產驚動太早觸犯禁忌產

時未到經血先下惡露已盡致胎乾子死身冷不能自出但視產婦面赤舌青是其候面青舌赤母死子活唇青吐沫子母俱斃又有雙懷或一死一活其候猶難知須臨期觀變

熟地黄 洗切焙 乾酒炒

真蒲黃

大當歸

交趾桂

楊芍藥

軍薑 皮去

粉草 各一兩

小黑豆 四兩

百草霜 五錢

右為末每用二錢米醋半合許沸湯六七八分侵起溫服疑貳之際且進佛手散酒水合煎三二服探之若未死子母俱安若胎已死立便追下的知其胎死進此藥後更進香桂散須臾如手椎下常用催生更加好滑石末半兩葵子五

十粒搥損黃柞葉七八皮葱白二寸順流水煎湯調下方內用滑石能利小便黃柞葉行氣逐血葱白內通陽氣氣盛血行即產祖宗以來用此藥救療不知其幾

香桂散下死胎

麝香 半錢 別研

官桂末 三錢

右和勻作服溫酒調下須臾如手椎下真珠研末酒調一匕服亦効未効再多服

奪命口專治小產下血至多而子死腹中其人增寒手指唇口爪甲青白面色黃黑或胎上搶心則絕悶欲死冷汗自出喘滿不食或食毒物誤服草藥傷動胎氣下血不止胎尚未損服之可安胎已

死服之即下

牡丹皮去骨

桃仁湯浸去皮尖

白茯苓去黑皮

桂枝辛熱者刮

赤芍藥各等分

右為末煉蜜口如彈子大每服一口細嚼淡醋

湯下連進兩口至胎腐爛腹中危甚者亦出

〔養正丹〕治難產子死腹中昏沉脉微每服一百二

十粒濃煎乳香湯服兩手更把石燕子各一枚即

當胎下人活或只用朴消末每服二錢童便好酒

調下效方見大方科瘡冷類

〔備急口〕治妊婦熱而大便秘脉實死胎昏不知人

溫水下七口即活方見大方科救急

〔蛇蛻散〕治妊婦欲產時不肯伸舒行動多是曲腰

眠卧忍痛兒在腹中不能得轉故脚先出謂之逆生須臾不救母子俱亡

右用烏蛇蛻一條蟬蛻二七箇血餘一握並燒

灰分二服溫酒調併進二服仰卧霎時或用小

絹針於兒脚心刺三七刺用鹽少許擦刺處即

時順生母子俱活

〔七聖散〕臨產腰疼方可服之

延胡索

沒藥

白礬

白芷

薑黃

當歸

桂心各等分

右為末臨產陣痛時燒鑷刃鉄犁頭是也令通赤滓酒調下三錢服一二盃立產

乳珠丹

右用乳香研細以猪心血為口梧桐子大朱砂為衣日乾每服一粒如催生冷酒化下良久未下再服一粒若大段難產以蓮葉心蒂七箇水二盞煎至一盞放溫化下一粒良久未下可再服之效驗如神無有不下者如胞漿先下惡水來多胎乾不得卧時須先與四物湯及通真口補養其血氣方見次更濃煎葱湯放冷令坐女洗產戶須是欵曲洗令氣上下通暢仍更用西調滑石末塗產戶裏次服前催生藥則萬全矣如胎死不下者用黑豆三合好醋半升煮令豆爛取汁一盞放溫化下藥一粒須臾下矣萬一

未下亦可再服如胎下胞衣不下者服此亦便下若胎橫逆不順即先服神應黑散再服此藥復以催之合藥時要五月五日午時極妙或七月七日三月三日及初上辰日亦可

神驗散

產婦坐草時取路傍舊草馬一隻用鼻絡小耳繩燒灰溫酒調服如得左足者男右足者女覆者兇死側者有驚自然理也似非切要之藥催生極驗

如意散臨產腰疼方可服之

人參未為

乳香各一

辰砂二錢

右同研臨產時急用雞子清一箇調藥末再用

生薑自然汁調開冷服如橫生倒生即時端順
子母平善

一字神散治子死胞不下胞破不生此方累效救
人幾萬數鬼白不以多少黃色者去毛碾為末
及細如粉不用羅以手指撚之每服二錢用無
灰酒一盞同煎至八分通口服立生如神
療難產日久氣力乏不能生兼惡露出盡胞乾不
產

右用赤小豆二升以水九升煮熟取汁入炙了
明阿膠一兩同煎少時一服五合未效再服不
過三四服即產此古方用之極驗
又方救產難經日不生

右用雲母粉半兩溫酒調服入口當產不順者
即產神效

治橫逆產理不順手足先出或子死腹中

右以伏龍肝細研每服一錢酒調服兒頭戴出

妙更用搽產母臍中亦效或用兔絲子末車前
子末酒調服一方取其父名書其足上即順生

治死胎不下方其證指甲青舌青脹悶甚者口中
極臭先以平胃散一貼作兩服每服酒水各一盞
同煎至一盞却投朴消半兩研細再煎三五沸傾
出候微溫服盡其胎即化血水而下

方見大方
科脾胃類

治產難胞衣不出方兒死腹中欲絕半夏白斂各
一兩為末酒服一錢若產難只一服橫生二服

倒生三服兒死四服或加代赭瞿麥各二兩為佳

〔單方〕治難產日月未至而痛如欲產者

右以知母二兩為末蜜口雞頭大温酒化一口服

〔如聖膏〕治難產胎衣不下及生產數日併死胎不下者效

右用草麻子一兩去殼雄黃二錢研細成膏塗母右脚心纔下即速洗去不洗則腸出用此膏子塗頂上腸自入如聖之妙

〔奪命丹〕治產訖血流入胎衣中為血所漲不得下治之稍緩脹滿腹中上衝心胸疼痛喘急服此以

逐去衣中之血血散脹消胎衣自下

附子半兩炮去皮脐

牡丹皮兩一

乾漆一分搗碎

右為末釀醋壹升大黃末一兩同熬成膏和藥口如梧子大温酒不拘時下五七口

〔牛膝湯〕治產兒已出胞衣不下臍腹堅脹急痛甚及子死腹中不得出者

牛膝酒浸

瞿麥各一兩

滑石各二兩

赤小豆二合

當歸酒浸

木通各一兩半

葵子一兩二錢半

右剉散每服三錢水二盞煎不拘時服

〔花藥石散〕治胞衣不下及惡露不行服之神效見方

大方科
失血類

灸法治橫生逆產諸藥不效灸右腳小指尖頭三壯艾炷如小麥大下火立產方產戒忌不可便飲酒及多以酒調藥服之酒散五臟四肢致成百病凡一切藥止用水煎為上一兩服後方可

產後

〔黑神散〕治產後惡露不盡或胎衣不下攻衝心腹胃膈痞滿或臍腹堅脹撮痛及神昏血暈眼花口噤產後瘀血諸疾又名烏金散

熟地黄

生亦可

蒲黃

當歸

乾薑

炮

桂心

芍藥

甘草

兩半

黑豆

半升

炒

右為末每服二錢酒半盞童便半盞同煎調下

或去蒲黃用綿附量虛實用之

〔黑龍丹〕治產後一切血疾產難胎衣不下危急惡疾垂死者但灌藥得下無不全活神驗不可言因驚敗血上衝心痛頭痛欲死大效

當歸

五靈脂

川芎

良薑

熟地黄

各一兩

右細剉以沙合盛赤石脂泥縫紙筋鹽泥固濟炭火十斤煨令通赤去火候冷取開看成黑糟色取出細研却入後藥

百草霜

五兩

硫黃

乳香

各半錢

花藥石

琥珀

各一錢

右細研與前藥再研和勻米醋煮麪糊為口如
彈子大每服一口炭火燒令通赤投於生薑自
然汁與童子小便入酒漉出細研用其酒調下
〔血竭散〕治產後敗血衝心胸滿上喘命在須臾宜
服

真血竭

如無以紫纒代

沒藥

右等分輕手研細頻篩再研取盡為度每服貳
錢用童便合酒半盞煎一沸溫調下纔產下一
服上床良久再服其惡血自循下行更不衝土
免生諸疾

〔芸臺散〕治產後血氣衝心不記人事

● 芸臺字

生地黃

各等分

右同研入生薑七片酒水各半盞童便少許煎
五分服

〔奇效方〕治產後血上心已死

右用真鬱金燒存性為末釀醋一合調灌之立

活

〔半夏茯苓湯〕治產前胸中宿有痰飲產後多致眩暈

半夏

湯洗

白茯苓

去皮

陳皮

去白

白朮

各一兩

丁香

縮砂

各五錢

粉草

三錢

右剉散每服四錢生薑五片烏梅一箇煎食前

溫服

〔牡丹散〕治產後血暈悶絕狼狽若口噤挑開灌之

必效

牡丹皮

大黃蒸

芒硝各一兩

冬瓜子

桃仁三粒 去皮尖

右剉散每服五錢水三盞煎至一盞半入芒硝再煎分二服欲產時先煎下以備緩急

芎歸湯治產後去血多眩暈頃刻害人多服取效

心悶氣絕紅花末酒調一匕服未效併服方見前

又方松煙墨二錢火煨通紅窰滅火氣為末半匕

溫酒調京墨亦可

又方舊漆器燒微煙逼面熏之却不可太甚恐虛

怯人不禁

又方韭菜切入葳蕤中以熱米醋澆紙密封瓶口

勿令泄氣以瓶嘴向產婦熏立醒

又方用半夏末少許吹入鼻中

加味五積散治產後敗血不散陰陽相勝作為寒

熱入米醋半合煎或外感寒邪頭痛體疼發熱不

退除木香茴香加生薑棗子煎方見後產後傷寒多

因血虛以下諸方選用至於竹葉石膏湯單小柴

胡湯雖是傷寒退熱之劑更宜審訂似難輕用恐

致夭枉

玉露散治產後乳脉不行身體壯熱頭目昏痛大

便澁滯悉能治之涼膈壓熱下乳

人參

白茯苓

甘草各半兩

苦梗炒

川芎

白芷各一兩

當歸各一兩

芍藥各三錢

右剉散每服二錢水一盞煎溫服如煩熱甚大

便秘者加大黃二錢半

逍遙散治產後血虛發熱感冒熱潮身疼頭重心
忪口乾方見

知母湯治產後乍寒乍熱通身溫壯心胸煩悶

知母 三兩

芍藥

黃芩 各二兩

桂心

甘草 各一兩

右剉散以水五升煮取半分三服或不用桂用
生地黄

增損四物湯治因產勞傷血氣蓋血屬陰氣屬陽
血氣一傷陰陽不和以致乍寒乍熱

當歸

人參

芍藥

川芎

乾薑 炮各一兩

甘草 四錢

右剉散每服四錢水壹盞生薑三片煎熱服不
拘時攸

五苓散治產後煩渴潮熱枇杷葉去白毛蜜塗炙

麥門冬二十粒去心煎湯服方見大方科傷暑類

黃耆益損湯治產後血虛自汗痰嗽寒熱口淡微

泄服燥劑不得者宜服方見大方科虛損類

竹葉防風湯治產後傷風發熱面赤喘而頭痛

淡竹葉 半把

防風

人參

桂枝

苦梗

甘草 各半兩

葛根 一兩半

右剉散每服三錢生薑三片紅棗一枚煎溫服
使汗出頸項強用附子炮去皮臍剉如豆大抄
一錢同煎嘔加半夏少許

〔陽旦湯〕治產後傷風十數日不解頭微痛惡寒時
時有熱心下堅乾嘔汗出

桂枝

芍藥

甘草

黃芩各一兩

右劉散每服三錢水壹盞生薑三片棗子一枚

煎不拘時候溫服自汗多加炮熟附子一枚渴

者去桂加枳樓兩半下痢去芍藥加乾薑一兩

半心下悸去芍藥加茯苓二兩虛勞裏熱者正

藥主之煎時入少膠飴為佳若脉浮緊無汗發

熱者勿與服

〔柴胡地黃湯〕治產後惡露方下忽然斷絕晝日明

了暮則譫語寒熱往來如見鬼狀此由熱入血

室不即治之諸變不測

北柴胡

半夏

條參

黃芩

粉草

生乾地黃

右劉散每服四錢水一盞半生薑三片紅棗一

枚煎服未效再服四物湯加北柴胡有痰加半

夏

〔神效白散子〕治產后痰血結滯發為潮熱心胸如

火煩燥口乾諸藥不效

大川烏

南星

半夏

白附子

羌活

黃芩

右生用劉散每服三錢生薑五片水一盞半煎

服效

〔大調經散〕治產後血虛惡露未消氣為敗濁凝滯榮衛不調陰陽相乘增寒發熱或自汗或腫滿昏氣血未平所致

大豆 炒去皮 一兩半

茯神 一兩

真琥珀 錢一

右為末濃煎烏豆紫蘇湯下喘急煩滿小便不利者亦效

〔枳朮湯〕治心下堅大如盤邊如旋盤水飲所作名曰氣分

枳實 炒去穢 一兩半

白朮 三兩

右剉散每服四錢水一盞半煎溫服腹中軟即當散也

〔奪魂散〕治產後虛腫喘促利小便則愈

生薑 三兩 取汁

半夏 湯洗 去滑

白麩

右用薑汁搜麩裹半夏為七餅子炙焦熟為散熟水調一錢小便利為效

〔小調經散〕治產後因驚敗血上干於心乍見鬼神言語顛倒昏悶發狂煩燥卧起不安

沒藥 研別

琥珀 研別

桂心

赤芍藥

當歸 各一兩

細辛 去葉

麝香 半兩

右為末每服半匕加上龍腦少許生薑自然汁溫酒少許調勻服服後三藥亦效

〔大聖散〕加朱砂酸棗仁湯下效 方見後

〔蘇合香〕童便調服即醒 方見大方 科中氣

〔妙香散〕生乾地黄當歸湯調立效方見大方科心恙方

〔又大聖散〕治產後血虛肉理不密故多汗因遇風

邪搏之則變瘥口噤不開背強而直如發癩狀搖

頭馬鳴身反折須臾十發氣息即絕宜速斡開口

此葉灌之稍緩即汗出如兩手拭不及不可治宜

加大川烏細辛防風嫩黃耆妙方見后

〔大豆紫湯〕治產後百病或中風痲瘓背強口噤直視煩熱

獨活半一兩 大豆升半 酒升三 具思軒

右以酒先浸獨活煎一二沸別炒大豆極焦煙

出急投酒中密封候冷去豆每服一二合許得

少汗則愈日數十服此湯能去風消血結在

娘折傷胎死腹中服此差

〔獨活寄生湯〕治產後血虛生風手足抽掣筋脉

急時發搖擗半身不遂或因勞役太早風邪乘間

而入服之立愈有痰間服加味壽星口方見大方科腰痛及

風科通治方

〔濟危上丹〕治產後所下過多虛極生風唇青肉冷

汗出目瞑命在須臾却不可用正風藥亟投此

乳香 硫黃 五靈脂

太陰玄精石 陳皮 桑寄生

阿膠 卷柏生各等分

右將前四味同研勻石器內微火炒勿令焦了再細研後入餘藥為末用生地黄汁口梧子大

温酒或當歸酒下二十口食前服

麻黄根散治產後虛汗不止

當歸

黄耆

麻黄根

牡蠣煨為粉

人參

粉草各等分

小參二合

右剉散每服肆錢水一盞煎温服不拘時候

立效方凡產後忽冒悶汗出不識人者暴虛故也

破雞子三枚吞之便醒若未醒可與童子小便

一升甚驗丈夫小便亦得切不得用病人者

又若久不識人或時復發者此為有風因產血

氣暴虛風行脉中故也若產後去血多者又

此疾與雞子不醒者可急作竹瀝汁一服

須臾不定再與五合頻與三五服差

七珍散治產後虛弱敗血停積上閉心竅舌強

語

人參

石菖蒲

生乾地黄

川芎各一兩

細辛一錢

防風

朱砂別研各半兩

右為末每服壹錢薄芎湯調不以時服

孤鳳散治產後閉目不語白礬一錢熟水調服

愈風散療產後中風口禁牙關緊急手足痲癱

舉卿

古拜即荊芥也

右略焙為末每服二大錢酒調下有神聖之功

或用荊芥加當歸煎頓服甚則煎一盆濃湯坐

病者其中先熏后淋沃名荆芥湯角弓反張以
豆淋酒下尤快

交加散治產後中風

生地黄五兩 研取 生薑五兩 研取

右交互以汁浸滓一夕次日各炒黃漬盡為度
乾為末酒調服平日腹痛酒下三錢產後猶不
可缺女人榮衛不通經脈不調腹痛如撮氣多
血少結聚為瘕及血風口禁項強頭痛壯熱運
悶並皆治之用少酒尤速產後血衄血悶築心
眼倒欲亡者如上湯引服噤甚灌之立效

起痛散治產後身軀疼痛不能轉側手足不能動
搖

當歸

黃耆

牛膝

肉桂

白朮

甘草

獨活分二

白朮各半 兩

甘草分一

右剉散每服五錢水五盞煎濾作二服或入薤
白二箇生薑三片 此證產后百節開張血脉
流走遇氣弱則經絡分肉之間血多留滯累月
不散則骨節不利筋脈急引故腰背不能轉側
手足不能動搖身弱頭痛若以傷寒治之則汗
出而筋脈動搖手足厥冷變生他疾服此可默
除之

如神散加桃仁木瓜煎治產後餘血不盡流入腰
脚疼痛至甚即加味五積散方見后

〔五香連翹湯〕除大黃入竹瀝少許煎治惡露方行
忽然斷絕腰痛兩股如錐刀刺痛皮膚或有堅赤
腫處恐為癰瘍急服此散方見瘡腫科通治類
〔抵聖湯〕治產後腹脹滿悶嘔吐不定

赤芍藥

半夏

澤蘭葉

人參

陳皮各一

甘草錢一

右剉散每服一劑用水一碗生薑焙乾半兩煎
至半碗分三服熱服

產後嘔逆不止方

橘紅一兩

半夏麵

甘草

各半兩

藿香

三兩

右剉散每服二錢水壹盞生薑三片煎不拘時
溫服

〔產後霍亂三方〕渴而飲水者五苓散不飲水者
中口虛冷者加附子來復丹亦效方見大方科傷暑及泄瀉痢冷類

〔芎附散〕治產後敗血作梗頭痛諸藥不效者

大附子壹枚醃醋一椀用火四面炙透蘸醋令
盡去皮躋川芎一兩同為末每服二錢茶清調
下虛人最效

〔川芎茶調散〕治產後虛熱頭痛

方見大方科頭痛類

〔芎烏散〕治產後挾氣頭痛不可忍

右用大川芎天台烏藥皮為末秤錘燒淬酒調
下

〔二母散〕治產後惡露上攻流入於肺經咳嗽宜服

如傷風痰喘却以尋常傷風藥治之

知母 貝母 白茯苓

人參 各半 桃仁 杏仁 並生去皮

右剉散每服三錢水一盞半煎不以時溫服如覺腹痛併服之立有神效

旋覆花湯治產後血風感寒暑濕喘滿痰涎壅盛咳嗽坐卧不寧

旋覆花 赤芍藥 前胡

半夏麩 荆芥穗 五味子

茯苓 甘草 炙 麻

杏仁 各等分

右剉散每服四錢薑五片棗一枚煎食前

小參蘇飲治產後血入於肺面黑發喘欲死

陽絕陰

人參 一兩別 蘇木 二兩

右用水兩碗煮取一大碗去滓調參末隨時加減服神効

大科煮芎藭湯治產後榮血暴絕氣急喘促 前方見

佛手散

四物湯治產後血乾痞悶心煩去地黃加人參烏

梅 方見後

牡蠣散治產後惡露淋瀝不絕心悶短氣四肢之弱不思飲食頭目昏重五心煩熱面黃體瘦

牡蠣 川芎 熟地黃

白茯苓

龍骨

各一兩

續斷

當歸炒

艾葉

酒炒

人參

五味子

地榆

各半兩

甘草

一分

右剉散每服二錢生薑三片棗一枚煎食前溫服

〔延胡索散〕治產後臍下痛名兒枕痛不可忍此神藥也

延胡索

桂心

各半兩

當歸

一兩

右為末每服二錢熱酒調下或用童便溫煖調尤快

〔又方〕五靈脂慢火炒為末溫酒服貳錢

〔紫金口〕治產後惡露不快腰痛小便如刺

熱頭痛不思飲食及瘀血月水不調黃瘦不食久有悉治之

五靈脂

水淘去石焙乾秤炒為末

真蒲黃末

右以好米醋調五靈脂末慢火熬成膏子次以蒲黃末搜和口如櫻桃大每服一口水與童便各半盞煎令化溫服少頃再一服惡露即下久有瘀血成塊月信不利者並用酒磨下及治心腹痛欲死百藥不效

〔羊肉湯〕療虛及產婦腹中痛虛眩不能支持兩脇當臍急痛氣上衝前后相引痛治之如神

精羊肉

四兩

當歸

川芎

各半兩

生薑

一兩

右剉散以水拾盞煎三盞掠去沫去滓分四服
空心熱服一日來日再作兩日滓合為一日煎
當一劑服

(經效方)療產后血氣脇肋脹滿

當歸 錢八

芍藥

苦梗

檳榔

枳殼 各四錢

桂心

青木香

柴胡 各三錢

右剉散水二升煎取八合空心分温二服

(人參當歸散)治產後陰虛生內熱煩悶不安

人參

當歸 去尾

麥門冬 去心

乾地黄

桂心 各一兩

芍藥 二兩

右剉散每服四錢水二盞先將粳米一合

葉十片煎至一盞去米葉入藥併棗三枚

前服地黄用生乾者虛甚則用熟者

(蒲黃散)治產後虛煩必效

蒲黃不以多少紙上炒每一錢東流水調不拘

時服

(熟地黄湯)治產後虛渴不止少氣脚弱眼昏頭眩

飲食無味

熟乾地黄 一兩

人參 三兩

麥門冬 去心

括樓根 四兩

甘草 半兩

右剉散每服四錢水二盞糯米一撮生薑三片

棗三枚煎食前服

(當歸芍藥散)血渴 前方見

〔草果飲子〕治產後瘧疾寒熱相半者或多熱者

半夏湯洗

赤茯苓

草果炮去皮

甘草

川芎

陳皮

白芷各二錢

青皮去白

良薑

紫蘇各一錢

乾葛四錢

右剉散每服三錢生薑三片棗二枚水一盞半煎當發日早連進三服無不安者

〔生熟飲子〕治產後瘧疾多寒

肉豆蔻

草果仁

厚朴生去皮

半夏

陳皮

甘草

大棗去核

生薑各等分

右剉散和勻一半生一半以濕紙裹煨令

去紙與生者和勻每服三錢水二盞煎食

服食后一服

〔石子湯〕治產後虛羸喘乏乍寒乍熱如瘧四肢疼

痛面色痿黃名葶勞

猪腎

一雙去脂膜四破

香豉

或無用知母

葱白

粳米

當歸

芍藥

各二兩

右剉散分作兩劑用水三升煮取一十碗分三服或用人參無芍藥

〔人參鱉甲散〕治產後葶勞昏由在產內未滿百日

體中虛損血氣尚弱失於將理或勞動作傷致成葶勞其狀虛羸乍起乍卧飲食不消時有咳嗽頭目昏痛發歇無常夜有盜汗寒熱如瘧背膊拘急

沉重在牀服此大效

人參

桂心

桑寄生

當歸去尾

白茯苓

白芍藥

桃仁去尖皮

熟地黄洗蒸

麥門冬去心

甘草各半

續斷各一分

牛膝三分

鱉甲炙

黃耆各一兩

右為末每服先以猪腎一對去脂膜用水二大盞生薑半分棗三枚煎至一盞去猪腎薑棗入藥末二錢葱三寸烏梅一箇荆芥五穗煎空心晚食前温服神妙

〔人參散〕治產後虛羸脾胃之弱四肢無力全不飲食心腹脹滿

黃耆

人參

草果仁

厚朴

附子各一兩

白朮

當歸

白茯苓

木香

川芎

桂心

甘草

陳皮去白

良薑

阿黎勤皮各半兩

右剉散每服四錢生薑三片棗一枚煎不以時温服

〔黃耆散〕治產後風虛勞後羸瘦不思飲食四肢疼痛

黃耆

白朮

木香

羚羊角屑

人參

當歸去尾

桂心

白芍藥

川芎

白茯苓各半 甘草一分

右剉散每服三錢生薑三片紅棗貳枚煎不以時溫服

〔小調經散〕產後性理鬱發喘急桑白皮杏仁煎湯調下見前

〔丁香散〕治產後心煩咳逆不止

丁香 白豆蔻仁各半 伏龍肝一分

右為末煎桃仁吳茱萸湯調下一錢如人行五里再服

〔石蓮散〕治咳逆嘔吐心怔目暈可思飲食

石蓮肉炒兩 白茯苓一分 丁香半兩

右為末每服三錢米飲調不以時服

〔固經口〕治產後血崩不止或因殮極酸鹹物過

艾葉 赤石脂煨 補骨脂

木賊各半 附子一箇

右為末陳米飲口梧子大食前溫酒下二十口

米飲亦可蓋此證非輕病况產后有此是謂重

傷恐不止鹹酸不節而致多因驚憂恚怒臟氣

不平或產后服斷血藥大早致惡血不消鬱滿

作堅亦成崩中此藥自難責效不若大料煮芎

藭湯加芍藥候定續次隨證諸藥治之為得小

腹滿痛肝經已壞難治局方大順散除杏仁用醋煮附子依等分入効

〔加味五積散〕治產後因食動傷腹痛至甚水穀不

化洞泄腸鳴除麻黃加高良薑熟綿附生薑烏梅

紅棗煎後方見

〔四君子湯〕治產後腹微疼泄瀉不止烏梅陳米煎湯調服方見小方

〔的奇散〕治產後泄瀉惡露不行此餘血滲入大腸為瀉分過則愈雖洞泄不禁下青黑色物亦驗

大荆芥四五穗於盞內然火燒成灰不得犯油火入麝香少許研沸湯一二呷調下此藥雖微能愈大病勿忽

〔黃連阿膠〕治產後熱證下痢全赤煩渴發熱小腑不利每服三十口陳米烏梅湯下方見大方

〔理中湯〕治產後虛證下痢純白腹痛裏急外重手足冷加木香煨肉豆蔻每服三錢陳米鹽烏梅

空心服方見大方

〔真人養臟湯〕產後虛弱冷熱不調下痢赤白或膿血裏急後重臍腹疼痛日夜無度宜服方見大方

〔阿膠枳殼〕治產臥水血俱下腸胃虛竭津液不足大便秘澀

阿膠炒枳殼各等分

右為末煉蜜口梧桐子大別研滑石為衣溫水下二十口半日未通再服又一方蜜兌法方見大方

秘澀類

〔又方〕用葱涎調好茶為口復以茶吞下必通或用葱白十數莖濃煎點茶連葱嚼服神效不動真氣

服效
〔四物湯〕去熟地黄用生地黄加青皮去穰煎

〔蘇麻粥〕治產後有三種疾鬱冒則多汗汗則大便
秘難於用藥惟此方效方見大方
科秘澁類

〔木通散〕治產後小便不通

木通

大麻仁

葵子

滑石

攪擲

枳實

甘草

各半
兩

右剉散每服三錢水一盞半煎溫服不拘時候

〔灸法〕治產後小便不通腹脹如鼓悶亂不醒緣未
產之前內積冷氣遂致產時尿胞運動不順用
於產婦臍中填可與臍平却用葱白剝去麁皮

餘根作一束切作一指厚安塩土用大艾炷
葱餅子大小以火灸之覺熱氣直入腹內即
便通神驗不可具述

〔茅根湯〕治產後諸淋無問冷熱膏石氣結悉主之

白茅根

兩四

瞿麥穗

白茯苓

各二
兩

葵子

人參

各一
兩

蒲黃

桃膠

滑石

甘草

各半
兩

紫貝

五箇
燒

石首魚頭中石

十箇
燒

右剉散每服肆大錢生薑三片燈心二十莖煎
溫服或為末木通煎湯調下二錢如氣壅木通
橘皮煎湯調下

〔桑螵蛸散〕治產後小便數及遺尿

桑螵蛸十五箇炒

牡礪煨

赤石脂各一兩

右為末空心粥飲調下二錢一方無厚薄石脂

有甘草生薑不禁加龍骨

〔蒲黃散〕治產後大小便不利下血

車前子

生地黃

右為末空心米飲服方寸匕忌麪蒜

〔當歸散〕治陰下脫

當歸

牡礪煨一兩七錢半

黃芩各一兩

蛻皮燒存性二錢半

芍藥半兩

右為末每服二錢溫酒或米飲調下忌登高

重

〔硫黃散〕治產後勞陰脫

硫黃

烏賊魚骨各半兩

五味子一分

右為末摻患處

〔熨法〕蛇床子炒乘熱布裹熨患處下治產後陰痛

〔桃仁散〕治產後陰腫妨悶

桃仁去皮尖

枯礬末

五倍子各等分末

右以末葉桃仁膏拌勻傅之

〔硫黃湯〕治產勞玉門開而不閉

硫黃

吳茱萸

兔絲子

蛇床子

各二兩半

右劉散每服四大錢水一碗煎數沸去滓洗玉門日再洗

〔擣枝散〕治產後子腸下出不能收者年深者皆治之

擣枝取皮焙乾一握

右用水五升連根葱五莖漢椒一撮煎至三升去滓傾在盆內乘熱熏候通手淋洗如冷傾入五升瓶內再煎一沸依前用一服可作五度用洗了睡少時忌鹽葷鮓醬濕麪發風毒物及用心力房勞等事

〔又方〕枳殼去穰貳兩煎湯温浸良久即入

〔又方〕老鴉酸草一握煎湯用草不開孔纔熏可收

一半稍温下手洗並收入而安

〔當歸養血〕治產後惡血不散發渴疼痛及惡

不快臍腹堅脹兼室女經候不勻赤白帶下心腹腰脚疼痛

當歸 赤芍藥 牡丹皮

延胡索炒各二兩 桂心一兩

右為末煉蜜口梧桐子大温酒米飲任下三五口食前服痛甚細嚼嚥下

〔四神散〕治產後留血不消積聚作塊急切疼痛猶如遁尸及心腹絞痛下利

當歸 芍藥 川芎 乾薑炮各等分

右為末每服二錢温酒調下

當歸黃耆湯治產後腰脚疼痛不可轉側自汗壯熱身軀強氣短

黃耆

芍藥

各二兩

當歸

三兩

右剉散每服四大錢水一盞半生薑五片煎食前溫服

四順理中口治新產血氣俱傷五臟暴虛肢體羸乏少氣多汗纔產直至百晬每日常服壯氣補虛調養臟氣蠲除餘疾消穀嗜食無治產後臟虛嘔吐不止

甘草

炙二兩

人參

白朮

乾薑

炮各兩

右為末煉蜜口梧桐子大每服三十口空心溫

米飲下

當歸建中湯治產後勞傷虛羸不足腹中疴痛吸
吸少氣小腹拘急痛連腰背時自汗出不思飲食
產訖直至滿月每日三服令人丁壯強健

當歸

四兩

桂心

三兩

白芍藥

六兩

甘草

炙二錢

右剉散每服四大錢生薑三片棗子二枚水一
盞半煎去滓入飴糖一塊再煎消服崩傷內衄
加阿膠地黃

濟陰丹治產後百病百日内常服除宿血生新血
令人有孕生子充實亦治男子亡血諸疾

木香

炮

茯苓

京墨

燒

桃仁去皮尖炒

人參

蠶布燒

桂心

牡丹皮

山藥各三分

香附子各四兩炒

糯米炒一升

秦艽

桔梗炒

藁本各二兩

乾薑炮

川芎各兩半

澤蘭

蒼朮八兩

甘草炙

石斛浸酒

當歸

細辛

川椒炒

熟地黄

大豆卷炒半升

右為末煉蜜口每兩作六口嚼細食前温酒醋

湯任下

人參養血口治女人稟受怯弱血氣虛損常服補衝任調血脉宣壅破積退邪熱除寒痺緩中下

張安神潤顏色通氣散悶兼治婦人懷身腹中

痛口乾不食崩傷眩暝及產出月羸瘦不復常者

人參

赤芍藥

川芎

菖蒲炒各一兩

當歸二兩

熟地黄五兩

烏梅肉三兩

右為末蜜搜杵數千下口如梧子大每服五十

口至一百口温酒或米湯下食前服

單方治產婦腹脹痛不可忍煮鼠粘根為飲一服

愈

捷徑方治用毒藥攻胎藥毒衝心外證牙關緊急

口不能言兩手強直握拳頭低自汗身微熱外

證與中風相似但其脉浮而軟十死一生醫多

不識者作中風治之必死無疑用白扁豆二兩
生為末新汲水調下即效

〔內灸散〕治婦人產前產後一切血疾血崩虛憊腹
脇疔痛氣逆嘔吐冷血冷氣凝積塊硬刺痛泄下
青白或下五色腹中虛鳴氣滿堅脹瀝血腰疼口
吐青水頻產血衰顏色黃青勞傷劣弱月經不調
下血墮胎血迷血運血瘕時發疼痛頭目眩暈惡
血上心悶絕昏迷惡露不乾體虛多汗手足亦冷
並宜服之

- 藿香葉
- 丁香皮
- 熟乾地黄洗焙
- 肉桂去麋皮各
- 甘草炙赤
- 山藥
- 當歸去芦洗
- 白朮
- 白芷各八兩

- 藁本去芦燒
- 乾薑炮
- 川芎
- 黃耆去苗各
- 木香一兩
- 陳皮去白四兩
- 白芍藥十兩
- 茴香半兩

右剉散每服三錢水一大盞入生薑五片艾一
團同煎至七分空心食前熱服為末溫酒調下
亦得如產後下血過多加蒲黃煎服惡露不快
加當歸紅花煎服水瀉加肉豆蔻末煎服嘔吐
加藿香生薑煎上熱下冷加荆芥煎但是腹中
虛冷血氣不和並宜服產後每日一服則百病
不生丈夫虛冷氣刺心腹疼痛尤宜服之

下乳汁

〔奇效方〕麥門冬不拘多少去心焙為末酒磨真犀

角約一錢同麥門冬末二錢温酒調不過二服便下不以時候

〔漏蘆散〕治乳婦氣脉壅塞乳汁不行及經絡凝滯乳內脹痛留蓄邪毒或作癰腫服此自然內消乳

汁通行

漏蘆半二兩

蛇蛻條炙十

瓜蒞十箇急火

燒存性

右為末每服二錢温酒調不以時服仍喫熱羹湯助之

〔成鍊鍾乳粉〕治乳婦氣少血衰脉澁不行乳汁絕少

右一味研細每服抄二錢濃煎漏蘆湯調下

〔母猪蹄湯〕治如前

母猪蹄

一隻治如食法

通草

兩四

右以水一斗浸煮得四五升取汁飲不下更个服了用梳頭木梳於乳上梳下効

〔青乘膏〕治乳硬作痛

嫩桑葉大採研細米飲調攤紙花貼病處此證

四十已下可治五十已上不可治治之則死不

治則自得

終其天年

得効方卷第十四

此方治婦人血虛氣弱... 宜酌量加味

得効方卷第十五

新編大全婦人良方

產科兼婦人雜病科

通治

(四物湯)

隨證加味
宜酌量

當歸

川芎

熟地黃

洗焙
酒炒

白芍藥

各等分

右剉散每服四錢水一錢半煎至七分去滓食前熱服為末服亦可若平常血氣不調及常服只用本方春加當歸夏加芍藥秋加川芎冬加地黃各一兩半日二三服 妊婦作惡生寒面青不思飲食焦悴陳皮枳殼白朮茯苓甘草

產后敗血築心地骨皮芍藥
潮熱黃芩地骨皮柴胡
咳嗽桑白皮半夏生薑人參甘草北五味子地骨皮
損孕下血不止頭痛寒熱耳鳴氣血勞傷所致黃芩荆芥生地黃生薑赤芍藥
虛寒潮熱柴胡地骨皮白木茯苓甘草秦艽知母黃芩麥芽貝母人參烏梅棗子
心腹脹滿枳殼青皮
虛汗麻黃根
產后潮熱白木北柴胡甘草牡丹皮地骨皮有熱黃芩汗加浮麥
腸風下血槐角槐花枳殼荆芥黃芩大腹皮紅內消地榆石楠皮白雞冠花為散煎一半為末空心鹽湯舊酒調下
鼻衄吐紅竹青蒲黃藕節半夏丁香呵子桂花紅棗飛羅麩白茅

根蚌粉
妳癰連翹茨菰子紅內消白芷菰片荆芥牛膝山蜈蚣乳香沒藥漏蘆生地黃
血風兩脇築疼或盤腸成塊大黃葶撥乳香
胎動漏下不止黃耆側柏阿膠甘草續斷平常經血淋瀝不斷或多或少或赤或白非時漏下可多服有效
月水不通野苧根牛膝紅花蘇木舊酒水同煎
臨產小腹緊痛紅花滑石甘草燈心葵子
閉經枳殼大黃荆芥黃芩青皮滑石木通瞿麥海金沙山梔子車前子
安胎及胎漏下血阿膠大艾甘草蒲黃炒過
產后腹痛血塊攻腸大艾沒藥好酒
產后病眼北細辛荆芥羌活甘草菊花木賊石決明草決明
女人

赤脹頭風疾薄苛清茶 赤眼生風防風黃芩
產后浮腫氣急腹大喉中水雞聲牡丹皮荆芥
白朮桑白皮赤小豆大腹皮杏仁半夏馬兜鈴
生薑葱白薄荷 月水不調血崩或多少或前
后嘔逆心膨陳艾黃耆 血弱生風四肢痺疼
行步艱難乳香人參沒藥麝香甘草五靈脂羌
活獨活防風荆芥地龍南星白附子澤蘭為末蜜
圓木瓜鹽湯下 血氣膨脹甘草木香枳殼馬兜
鈴葶藶紫蘇藿香地黃空心服 補血住崩百
草霜敗棕灰月綿灰蒲黃炒過龍骨白薑 血
成片地黃藕節 黑血片人參白朮 白血片
龍骨 青黃木瓜 五色生麝香好酒 鮮紅

溫酒鹽湯 風瘡赤腫荆芥牛蒡子何首烏甘
草防風羌活地黃鹽酒 滯下肉桂蒲黃百草
霜甘草黑豆白朮玄胡索白薑龍骨空心鹽酒
血寒甘草烏梅柴胡桃柳枝 感風勞嗽款花
知母阿膠半夏麻黃甘草馬兜鈴黃芩杏仁柴
胡薑錢呵子烏梅 月經久閉肉桂甘草黃耆
薑錢棗子木通紅花 大便下血四肢寒膨脹
乃腸胃有風槐花枳殼漏蘆荆芥木香白雞冠
花木通紅內消紫草石榴皮陳皮黃芩青皮甘
草白茅根槐角 虛瀉人參川芎白芷蒲黃炒
阿膠白朮茱萸續斷乾薑黑附子肉桂黃耆赤
石脂甘草蜜圓鹽梅湯下 白帶用龍骨酒

胎前產后痢后風乳香龍骨茱萸木香肉桂蒼
木牡丹皮白薇入參甘草澤蘭大椒茴香煉蜜
為圓木瓜酒下亦治帶下 赤白痢陳米飲
心腹膨炒薑酒 血氣艾醋湯 渾身勞倦為
末炒薑酒陳皮青蒿鹽和調下 虛證四肢黃
甘草牡丹皮澤蘭白薇蒼朮桂心茴香蜜圓鹽
湯溫酒下 嘔逆飲食不入加白朮丁香甘草
人參縮砂益智仁胡椒 經行腹痛腰背痛芸
臺牛膝紅花吳茱萸菴藺甘草銀器燈心熱服
虛渴人參乾葛烏梅瓜蒌根 受胎小腸氣痛
木香銀器 胎前嗽枳殼甘草款花知母馬兜
鈴半夏木通葶藶人參苦梗麥門冬 腳腫大

腹皮赤小豆茯苓皮生薑皮 產后不語失音
呵子人參砂蜜百藥煎 陰陽交合經脉行赤
石脂黃耆肉桂百草霜敗棕灰肉豆蔻當歸木
香龍骨白朮茯苓地榆藕節 胎氣衝肝腰脚
痺行步艱難枳殼甘草木通連翹荆芥地黃羌
活獨活山梔子燈心空心服 氣築小腹痛玄
胡索煎效 常服加茱萸陽臟少使陰臟多用
(莪朮散) 隨證加味宜酌量入

當歸 尾去

川芎

莪朮 煨

甘草

楊芍藥

熟地黃

酒蒸 洗

茴香

白芷

右為末每服二錢鹽酒調下 月經不調銀器

燈心 安胎黃耆生地黃補虛調氣生薑紅棗
遍身虛腫當歸酒 小便不通滑石末 心虛
發狂朱沙研調 敗血衝心腹痛如刀刺燒秤
錘紅焯酒不退五靈脂酒 血閉身疼炒薑酒
吐酸水丁香七粒煎湯 血風上攻眼目浮腫
荆芥 小腹痛木瓜 渾身浮腫薑湯或葱湯
胃惡藿香 頭面腫赤豆荆芥湯 下血不止
木香湯 冷嗽桑白皮乾柿 頭痛川芎細辛
血風熱潮生薑紅棗 虛汗麻黃根吐不止陳
青蒿 血風腰疼芸臺子搥碎 女人血結不
通手發攣急不知若薺菜一握順流水 汁
手足痺樟柳根浸酒 血海虛冷大艾腹脹不

消芝麻一合炒薑酒 月水不勻當歸浸酒
女人血氣成塊築心銀子燈心 血崩赤白帶
真龍骨末好紅酒調 血風中心狂言亂語渾
身壯熱桃柳枝七寸 血刺成塊不散菴閣
女人癖氣膈氣炒茴香酒婦人不問虛熱傷風
血氣潮熱增寒一切百病先以三服隨證湯引
投之服以他藥調理無不應驗 冷嗽猪血
心燥猪肝酒 催生順流水滑石禹餘糧掄白
皮坏子乳香葵子酸車草汁煎湯或黃柞葉垂
下者 胎衣不下再加莪朮地黃竹青 行血
菴閣生地黃紅花蘇木陳艾減揚芍藥加赤芍
藥梢

加味五積散

厚朴

去麩皮 姜汁炒

半夏

洗

楊芍藥

枳殼

去麩 炒

木香

肉桂

各一兩

陳皮

白薑

三錢 兩 炒

蒼朮

六兩 米泔浸炒

桔梗

香附子

炒去毛

茴香

炒

粉草

人參

去蘆

茯苓

去皮

川芎

當歸

去毛

川白芷

各一兩

右劉散生薑木瓜入鹽煎服

陰證傷寒生薑

附子

血脈不勻紫蘇

氣嗽烏梅姜錢

勻

經棗子姜錢

補益血海蘇鹽

產后生姜醋炒

陳艾

胃冷不納食陳皮縮砂

赤白帶陳米

冷氣疾木香茱萸

心燥背筋急頭暈腰脚痠

生軋地黄當歸

脾虛蘇葉粉艸月中被驚或

因爭觸心頭結塊五膈五噎茴香棗子 口苦

舌乾吞酸噫氣此為胃冷生薑鹽

腰痛桃仁

木瓜杜仲川續斷

身疼秦艸

諸虛脾胃不

和羸瘦冷氣蘇鹽

冷瀉炒過生薑烏梅肉豆

蔻陳米

芎歸湯治產前產後腹痛體熱頭疼及諸疾纔差了未進別藥即先服此能除諸疾逐敗血生新血

川芎

一兩

川當歸

三兩

右劉散每服三錢水一盞酒二分煎溫服為末

亦可

將產先安排兩服煎產了速進之三日內日二

服三日外日一服 諸證失血傷胎去血產后
去血崩中去血金瘡去血拔牙去血不止及一
切去血過多心煩眩暈悶絕不省人事頭重目
暗舉頭欲倒悉治若產后眩暈宜加揚芍藥
產后腹疼不可忍者加桂心酒與童子小便合
煎立效 臨月服之則縮胎易產無治產后諸
疾 虛損羸乏腹中疝痛往來寒熱吸吸少氣
不能支持頭眩自汗腹內拘急每服用精羊肉
一兩薑十片水二盞煎溫服 婦人室女心腹
疝痛經脉不勻水煎 妊婦胎氣不安產後諸
疾酒煎 婦人血氣上喘下腫等分為末二錢
空心煎艾湯服 產后及損娠敗血衝心腹脹

氣絕者神效 難生倒橫子死腹中先用黑豆
一大合炒熟水一盞入童子小便一盞藥四錢
煎至一盞以上分為二服未效再作 產後惡
血注心迷悶喘急腹痛依前用黑豆加生薑自
然汁半合煎服 兼治臟毒每服一錢半入炒
槐花半錢水一盞煎不以時服三日取下血塊
即愈 產后頭痛荆芥 吐血亦宜服

通真口加隨證

- | | | |
|----------------------|----------------------|-----------------------|
| 當歸 <small>去尾</small> | 蒼朮 <small>切炒</small> | 肉桂 |
| 防風 | 川芎 | 人參 |
| 白芍藥 | 白薇 <small>去土</small> | 熟地黃 <small>酒炒</small> |
| 牡丹皮 | 茴香 | 白朮 |

白茯苓

桔梗

附子炮

澤蘭葉各等分

右為末蜜口每服一口 血崩經脉不勻赤白

帶下炒當歸酒下 血風癢疹瘡痒薄苛蜜湯

冷氣塊築心腹逆嘔逆反胃炒鹽湯下 腸風

瀉血赤白痢月信不止米飲下 血風勞倦青

蒿酒 頭疼眼花荆芥茶下 月信不行室女

紅脉不通產后諸風中風不語迷悶五圓紅花

蘇木湯 胎漏下血氣刺心腹脹滿炒薑酒下

白薇散隨證酌量用湯引

白薇去土

川芎

熟地黄酒炒

桂心

牡丹皮去骨

甘草

當歸去尾

澤蘭葉

蒼木切炒

芍藥各等分

右為末每服三錢 氣刺心脅痛艾醋澤蘭湯

頭痛心燥米泔米飲 氣虛土芎湯 頭痛京

芥湯 胎前潮熱氣急心悶生地黃燈心 產后

腹膨吐逆藿香胡椒 胎氣不安陳艾 下血

不止糯米地榆陳艾 產后血刺脇痛艾醋湯

小腹疼地黃薑汁好酒 產後腰腿疼背膊痛

木瓜白膠香沒藥好酒 月經不勻百草霜温

湯若過多藕節酒煎又用陳艾阿膠 月水不

通杜牛膝野苧根蘇木紅花酒下 赤白帶心

燥 腰痛沒藥下白帶黃耆切和鹽炒酒浸喫

十服 胎衣不下 順流水 酸車草 產后血氣
 當歸 鹽炒好酒 產后勞嗽 糯米桑白皮 熱
 嗽 生地黃 芭蕉水 產前產后 潮熱 桃柳枝
 臨產 小腹緊痛 桑白皮 葛根 立便催生 產前
 產后 臟腑結積 穀 下血 地榆 心神亂 銀器
 大小便秘 麻仁 蘇子 血風 脚膝腫痛 寒熱生
 薑黃 水柳根 血崩 竹青 藕節 霜梅 熱吐紅
 山 梔子 竹青 藕節 妳癰 蔓京子 酒煎調
 大烏雞 口治胎前產後 諸般疾 患並皆治之

烏雄雞 烏藥 錢五
 草果 二錢 石林 錢五
 熟乾地黃 洗焙二 人參 去蘆
 海桐皮 二兩
 肉桂 去麋皮 一兩
 白朮 各半 兩

附子 去皮 臍 兩
 牡丹皮 各半 兩
 川烏 炮
 陳皮
 黃耆
 蓬萊茂
 紅花 各一 兩

玄胡索 肉豆蔻 各二 錢半
 琥珀 二錢
 蒼朮 米泔浸切 七錢半

右剉散用烏雄雞一隻 湯燻去毛及腸肚 將藥
 安置肚中 用新甕瓶好酒一斗 同煮令乾 去雞
 骨 以油單盛 倍乾為末 煉蜜 口梧桐子 大每服
 三十口 胎前產后 傷寒 蜜糖酒服 胎前氣
 悶壯熱 炒薑酒 赤白帶下 生薑地黃 煮酒
 產后 敗血 攻心 童子小便 炒薑酒 產后血塊
 築痛 玄胡索酒 胎前嘔逆 薑湯 催生炒蜀

葵子研入酒 安胎鹽酒 室女紅脈當通不
通四肢疼痛煎紅花研入酒 血氣攻刺心腹
疼痛煎當歸酒 血暈棕攔燒灰入酒 血邪
研朱砂麝香入酒 血悶煎烏梅湯入朱砂末
子宮久冷溫酒或棗湯空腹日一服 血風勞
人參酒 小便疝痛炒茴香食鹽入酒 血散
四肢遍身虛浮黃腫赤小豆研細入酒 常服
溫酒醋湯並空心吞服

大効內補 治產後虛羸及傷血過多虛竭少氣
臍腹拘急痛引腰面面白脫色嗜卧不眠唇口乾
燥心忪煩倦手足寒熱頭重目眩可思飲食或勞
傷衝任內積風冷崩中漏下淋瀝不斷及月水將

行腰腿重疼臍腹急痛及治男子婦人從高墜下
內有瘀血吐血下血等病

真蒲黃

微炒三分

熟乾地黃

三兩洗切酒炒

阿膠

搗碎如珠粉炒

當歸

去蘆微炒

川續斷

去蘆

乾薑

炮

甘草

微炙

芎藭

各四兩

附子

炮去皮

白芷

白朮

各三兩

肉桂

去皮

白芍藥

各二兩

吳茱萸

湯洗七次焙乾微炒三兩

右為末煉蜜 如梧桐子大每服二十丸食前

溫酒下漸加至五十丸一方加杜仲鹿茸肉蓯

蓉北五味子

小嘉木散 治榮衛不調血氣虛弱面色痿黃四肢

無力手足倦怠盜汗併出皮肉枯瘁骨肉羸瘦飲食不進日漸卧床病后不能調理變成崩漏用之神效

木香 丁香 丁皮各三錢 巴戟去心

紫蘇葉 白茯苓 蒼朮炒浸

肉豆蔻煨 附子炮各五錢 沉香三錢

苦梗去蘆 粉草 茴香炒

山藥 白豆蔻仁 扁豆各五錢炒

右劉散每服三錢水一盞半生薑三片紅棗煎溫服

止瀉加黑豆炒 止痢加粟殼蜜炒

勝金丹治月水過期不通久無嗣息血癖氣痛四肢浮腫嘔逆心疼虛煩鬱悶面色痿黃崩漏帶下

寒熱蒸勞頭疼齒痛血下無度淋瀝諸疾產前安胎臨產催生產后胎結疼痛傷寒煩渴瀉痢血暈血勞筋攣痰盛頭疼敗血上衝血刺泄瀉咳嗽喘急咯血血塊起伏氣痞氣膈血滯腰痛小便不禁子死腹中傷寒汗不出血風脚手痺頑凡產后諸疾並皆治之

牡丹皮去骨 川藁本 人參去蘆

川當歸去尾 白茯苓 赤石脂

香白芷 交趾桂去麋皮 白薇去土

川芎 玄胡索 白芍藥

白朮米泔浸一宿各一兩 甘草炙 沉香不見火

右件並用溫水洗淨藥乾搗羅為末煉蜜圓如
彈子大每服一口空心溫酒下凡妊娠臨月服
此五六口即易產如久無子息服二十口當月
有子并治積年血風半身不遂種種血疾不問
年深日久皆療神效

（大聖散）治血海虛冷久無子息及產後敗血衝心
中風口噤子死腹中擘開口灌藥須臾生下無恙
并治墮胎腹中攻刺疼痛橫生逆產胎衣不下血
運血癖血滯血崩血入四肢應血臟有患及諸種
風氣或傷寒吐逆咳嗽寒熱徃來遍身生瘡頭痛
惡心經脈不調赤白帶下乳生惡氣胎臟虛冷數
曾墮胎崩中不定因茲成疾及室女經脈不通並

宜服之常服暖子宮和血氣悅顏色退風冷消除
萬病丈夫五勞七傷虛損一切疾證亦治之

澤蘭葉

石膏研各二兩

白茯苓去皮

卷栢去根

栢子仁炒

防風去蘆

厚朴去蘆汁炙

細辛去苗

人參去苗

藁本去苗

乾薑炮

五味子

白芷

川椒去目及閉者炒出汗

白朮各三分

當歸去蘆

蕪荑炒

甘草炙

川芎各一分

生乾地黄一兩半

官桂去皮二分

黃耆去苗三分

芍藥一兩三分

白薇半兩

桔梗一兩

川烏三分

阿膠半兩

丹參三分

吳茱萸湯洗七次焙炒

右為末每服二錢空心熱酒調服若急有患不拘時候日三服

〔大玄胡索散〕治經病及產後腹痛脹滿喘悶癥瘕癖塊一切心腹暴痛

甘草 一兩

桔梗

黃芩

大黃 各半

當歸 去尾

三稜

莪朮 煨

官桂 去麋皮

玄胡索

赤芍藥

厚朴

木香

檳榔

川練子 各二錢半

右剉散每服三錢水一盞煎熱服食前日三服惡物過多去大黃官桂加入黃藥子槐子龍骨各半兩或平人心脾急痛服得利亦效后常服

亦可

〔灸法〕治睡後忽一點疼起遂致遍身亦痛諸藥不效用艾炷如小指頭大以水透濕紙約五六重纏裹其手痛處又用斷木匙頭安放濕紙上對抵痛處却將艾炷於木匙上灸其發艾之人默念 大慈大悲救苦救難觀世音菩薩摩訶薩名號三七遍須臾諸痛悉除所灸處亦有膿水出生痂癥而後愈

感冒

〔麻黃湯〕發散四時傷寒潮熱頭痛時疫

前胡

柴胡 各去毛

石膏

蒼朮 剉炒

藁朮

赤芍藥

白芷

土芎

乾葛

升麻

錢各五

麻黃

三錢

右剉散每服四錢生薑三片連鬚葱貳根煎不

拘時服 春加黃芩 夏用正方 秋加麻黃

冬加豆豉

鮮肌湯治勞傷體熱鼻血無退熱

柴胡

麻黃

木通

茯苓

犀角

蒲黃

黃芩

赤芍藥

葛粉

生地黄

甘草

各等分

右剉散每服四錢水一盞半生薑三片紅棗二

枚煎不以時溫服

人參湯治經水適斷熱入血室寒熱如瘧日晡最

甚加生軋地黄每服三錢水一盞半生薑三片紅

棗二枚煎溫服不拘時候方見大方科傷寒類即小柴胡湯

桂枝紅花散治傷寒發熱惡寒四時拘急口燥舌

乾經脈凝滯不得往來

桂枝

赤芍藥

甘草

各一兩半

紅花

兩一

右剉散每服五錢水一盞半生薑四片紅棗二

枚煎溫服良久汗出而解

海蛤散治傷寒血結胸膈揉而痛不可撫近

海蛤

滑石

甘草

各二兩

芒硝

兩一

右為末每服二錢雞子清調下小腸通利則胃
膈血散臙中血聚則小腸壅既壅則臙中血不
流行宜服此 小便利血數行更宜挂枝紅花
湯發其汗則愈

〔三黃〕治陽毒傷寒棄衣而走不避親疎妄言罵
詈以朱砂為衣新汲水下十口即效未效再服
大方科 積熱類

喘嗽

〔人參散〕治血風勞嗽乍寒乍熱傷寒咳嗽起坐不
能

- 人參
- 款冬花
- 知母
- 麻黃
- 秦艽
- 杏仁

- 苦梗
- 南星
- 半夏
- 馬兜鈴
- 地骨皮
- 粉草

右到散每服二錢水一盞半麥門冬二十粒去

心煎温服喘嗽加烏梅氣急桑白皮不效者並

- 〔噲化〕治患肺熱久嗽身如炙臙將成肺勞
- 枇杷葉
- 桑白皮
- 款冬花
- 木通
- 紫菀
- 杏仁
- 大黃

右為末煉蜜口如櫻桃大食后夜卧含化一口
〔貝母湯〕治諸嗽久不差

- 貝母
- 北五味子
- 黃芩

乾薑

熟者減半

陳皮

各一兩

半夏

桑白皮

桂心

北柴胡

各半兩熟甚者減一半

木香

甘草

各一分

右剉散每服五錢水一盞半杏仁七粒去皮尖碎之生薑二片煎熱服

（金不換散）治男子女人肺胃虛寒久嗽不已喘促滿悶咳嗽涎盛腹脇脹滿腰背倦痛或虛勞冷嗽咳唾紅痰及遠年日近一切喘嗽諸藥不效者並治之

瞿粟殼

半兩去膜蜜炒乾

枳殼

四錢

杏仁

去皮尖

甘草

各三錢

右剉散每服三錢水一盞生薑三片烏梅半箇

煎食後臨卧漸漸熱服

（千緡湯）治痰喘數服瘥

齊州半夏

七枚炮裂之

皂角

去皮炙一寸

甘草

炙一

生薑

如指頭大

右以水一碗煮去半頓服

調經

（黃附口）治婦人室女一切血氣經候不調臍腹疔痛面色痿黃心忪乏力腹脹脇疼頭暈惡心飲食減少崩漏帶下大腸便血積聚癥瘕並皆治療若以其名人人言之耗氣不喜此藥世訛之久不肯服者甚多殊不知獲效非常古書所載婦人仙藥不可輕忽修製相感豈同日而語哉服之自顯其

功耳 右以香附子不拘多少先搗去毛淨用好醋煮

半日出焙碾為末醋糊口梧桐子大每服三四

十口米飲吞下不以時候婦人數墮胎由氣不

下降所以胎氣不固此藥尤妙一方加陳艾亦

有加當歸鹿茸

滋血湯治血熱氣虛經候澀滯不通致使血聚肢

體麻木肌熱生瘡渾身疼痛將成勞瘵不可妄投

他藥但宜以此滋養通經

馬鞭草

荆芥穗

牡丹皮去骨

赤芍藥

枳殼去穢炒

肉桂

當歸去毛

川芎各等分

右到散每服四錢水二盞烏梅一箇煎至一盞
空心日四五服有此證服至半月或一月经脉
自通百病皆除

涼血飲治血熱經水不調心煩口乾煩燥或遍體
生瘡

赤芍藥

黃芩

川芎

甘草

荆芥

生乾地黄去土

麥門冬去心

瓜根

右到散每服三錢水一盞半燈心十莖淡竹葉

十皮煎温服不拘時有寒熱加秦艽北柴胡此

濟陰為第一方

紫石英口治月經乍多乍少或前或後時發疼痛

醫者一例呼為經病不曾說得是陰勝陽陽勝陰
服藥所以少效蓋陰氣乘陽則胞寒氣冷血不運
行經所謂天寒地凍水凝成冰故令乍少在月後
若陽乘陰則血流散溢所謂大暑地熱經水沸溢
故令乍多而在月前當知其陰陽調其血氣使不
相乘以平為福

紫石英

細研水飛

人參

龍骨

川烏頭

炮

桂心

烏餘糧

炮醋

杜仲

炒去系

遠志

澤瀉

當歸

桑寄生

茯苓

酒浸

乾薑

炮

五味子

石解

去根各一兩

牡礪

煨

甘草

炙川椒

炒去目

出汗

各半

兩

微

右為末煉蜜口梧桐子大每服三十至五十口
空心米飲下

當歸散治天癸已過期經脈不勻或三四月不行
或一月再至腰腹疼痛素問云七損七益謂女子
七七數盡而經脈不依時者血有餘也不可止之
但令得依時不腰痛為善

白朮

兩半

黃芩

酥炙

山茱萸

湯泡

當歸

兩

川芎

剉

揚芍藥

剉碎

各一

兩

兩病證若冷去黃芩加桂

右為末每二錢酒調空心日三服養胎益血安
和子臟

通經口治婦人室女月候不通疼痛或成血瘕

桂心炮 青皮去白 大黃炮

乾薑炮 川椒炒出汗 蓬朮炮

乾漆炒去烟 川烏炮 當歸去蘆

桃仁炒各等分 右為末內四分用米醋熬成膏和餘六分未成

劑白中治之口如梧桐子大略曬乾每服二十

口至三十口淡醋湯溫酒空心下尋常血氣凝

滯疼痛數服立效

〔茱萸鹿茸〕補氣固血治本臟因虛生寒月經行

多或來不及期腹痛怯風臟腑不知

鹿茸 五味子 菴蓉

杜仲 赤石脂各一兩 吳茱萸

附子炮 乾薑 黑龍骨

肉豆蔻 白茯苓各半兩 乾地黄一兩半

右為末酒煮麩糊為口梧桐子大空心食前熱

米飲下五七十口一月血氣已安去龍骨加沉

香半兩可以常服中年以後婦人最宜服此

〔三稜〕治紅脉不通氣痛滯下無治血瘕形如鎌

鐵樣 當歸去尾 川芎 牛膝去苗

芫花 三稜 菴朮煨

蒲黃 玄胡索 牡丹皮

乾薑 菴蘭 白芷

地龍去泥土酒浸 大黃升二兩為末米醋成膏

右為末入大黃膏和研杵爛為口每服二十口
氣痛淡醋湯下炒薑酒亦可未通紅花酒下

治經脉不利方緣經滯即為水水流走四肢悉皆
腫滿名曰血分其候與水相類醫作水治之非也
宜此

人參

當歸

大黃

濕紙裹三斗米下
蒸米熟去蒂切焙

桂心

瞿麥穗

赤芍藥

白茯苓

各半

葶藶

炒別研

右為末煉蜜口梧桐為大每服十五口至二三

十口空心米飲送下

沒藥散治月信退出皆為禽獸之狀似來傷人先

將綿塞陰戶只頓服

右以沒藥一兩作口散皆可服即愈

撞氣阿魏口大聖散兼服治經行腹痛不可忍者

立效紅圓子亦効阿魏口大方科心痛類大聖散
方見前紅口子大方科痰癰類

艾煎口治婦人室女經候不調臍腹冷痛惡心腹

常脹滿至晚則增

食茱萸

湯洗

當歸

各七錢半

熟地黄

白芍藥

各一兩半

石菖蒲

炒

川芎

人參

各一兩

熟艾

四兩糯米飲
調作餅焙

右為末煮酒糊口梧桐子大調縮砂香附湯送

下五十口

方見大方
科諸氣類

濟陰丹治經水不時或崩中漏下一切血疾方見前

〔牡牛膝散〕治婦人室女血閉不通五心煩熱

紅花二錢

大當歸

牡牛膝

各五錢

桃仁去皮尖炒別研二錢半

右為末每服二錢空心温酒下

〔大油煎散〕治經候不調臍腹脹腰腿無力煩渴潮

熱身體拘倦日漸羸瘦

海桐皮

五加皮

牡丹皮

地骨皮

桑白皮

各等分

右剉散每服四錢生薑三片紅棗一枚清油數

煎水一盞半同煎空心温服

血氣

〔抽刀散〕治血風血氣等疾

五靈脂

炒一兩

菘茂

桂心

芸薹子

炒各半兩

右為末每服二大錢酒半盞煎八分疾作熱服

〔二神〕治血氣不和作痛不止及下血無時月水

不調

真蒲黃

炒

草撥

鹽炒

右等分為末煉蜜口梧桐子大每服三十口空

心温酒送下不飲米飲下一二服即止

〔沒藥散〕治一切血氣臍腹撮痛及產后惡露不行

兒枕塊痛

血竭

沒藥

火熨細研

桂心

當歸

尾去

蒲黃

紅花

木香

延胡索

乾漆炒

赤芍藥各等分

右為末每服二錢食前熱酒調下

〔玄胡索散〕治婦人室女七情傷感遂使血與氣併心腹作痛或連腰脇或引背脊上下攻刺甚作搗搦徑候不勻但是一切血氣疼痛並可服之

當歸去蘆酒浸到炒

玄胡索炒去毛

蒲黃炒

赤芍藥

官桂不見火各半兩

片子薑黃洗

乳香

沒藥

木香不見火各三錢

甘草炙二錢半

右到散每服四錢水一盞半生薑七片煎食前溫服吐逆加半夏橘紅各半兩

〔琥珀散〕治婦人室女月水凝滯脇肋脹刺臍腹疝痛不可忍及惡露不下血上攻心迷悶不省應有血氣腹痛並治

牡丹皮去木

赤芍藥

蓬莪朮剉

荆三稜剉各用煨

劉寄奴去梗

熟地黃酒炒

玄胡索炒

當歸酒浸

烏藥

官桂不見火各一兩

右用前五味以烏豆一升生薑半斤切片米醋四升同煮豆爛為度焙乾入后五味同為末每

服二錢溫酒調空心食前服

〔三神〕治室女血氣相搏腹中刺痛痛引心端經行澁少或經事不調以致疼痛

橘紅兩二 玄胡索去皮 醋煮 當歸去蘆 酒浸 略炒 各一兩

右為末酒煮米糊為口梧桐子大每服七十口加至一百口空心艾湯或米飲送下

失笑散治血氣心腹刺痛欲死諸藥不效服此頓愈

五靈脂 蒲黃微炒 各等分

右為末先用二錢醋調熬成膏入水一盞煎七分食前熱服

奇方治血氣痛遊走及腰痛

右用裁木切片乾漆打碎各二兩同炒令漆焦香取出漆不用只以裁木為末溫酒調下三錢腰痛胡桃酒下遊走痛冷水調下

手拈散治血氣刺痛不可忍者及諸般氣痛方見前

方科心 痛類

煮附口治血氣絞刺痛方見前

三稜煎口治血氣痞滿刺痛大效方見大方科諸氣類

血瘕

桃仁煎治血瘕血積經候不通

桃仁 大黃各一兩 蠱虫半兩 炒黑

川朴消一兩

右並為末以醇醋二升半銀石器中慢火煎取一升五合下大黃桃仁等不住手攪欲下手口下朴消更不住手攪良久出之口如梧子大前一日不喫晚食五更初用溫酒吞下五口取下

如赤豆汁或如雞肝蝦蟆衣狀未下再作如鮮血來即止續以調血氣藥補之虛人斟酌用

〔琥珀〕治血瘀腹中有塊攻刺小腹痛重或腰背相引為痛久而不治黃瘦羸乏

琥珀研別

白芍藥

川烏炮去

川牛膝酒去

鱉甲炙醋

蓬莪朮炮

當歸酒去

梓厚朴薑炒各

木香不見

澤蘭葉

官桂不見火

麝香研

右為末酒糊口梧桐子大每服七十口空心温

酒米飲下

〔通經〕治室女月經不行臍下堅結大如杯升發熱往來此名血瘕

加紅花方見

〔黑神〕

神麩

茴香各四

木香

椒炒出

丁香各半

檳榔四枚

漆六兩半生半

右除椒漆餘五味皆半生半炒為末用生熟漆

和口如彈子大茴香末十二兩鋪蔭地蔭乾候

外乾并茴香收器中極乾去茴香 膀胱瘕

癖及疝墜五膈血崩產后諸血漏下赤白並一

口分四服 死胎一口皆綿灰酒下 難產炒

葵子四十九粒擣碎酒煎下一口 諸疾不過

三服瘕氣十服膈氣癥癖五服血瘕三口當差

血蠱

木香散治脾氣血氣血蠱氣蠱水蠱石蠱

木香各一分沉香各一分乳香研

甘草各一分川芎各一分胡椒各一分

陳皮各一分人參各一分晉礬各半

桂心各一分乾薑炮縮砂各一

茴香炒兩天茄五兩赤小

右洗焙為末每服二錢空心陳米飲調下忌羊油

温白口治婦人諸疾繼續而生帶下淋瀝五邪失
心愁憂思慮意思不樂飲食無味月水不調及腹
中一切疾病有似懷孕連年累月羸瘦困弊或歌
或哭如鬼所使但服此藥無不愈者

吳茱萸湯洗七次桔梗兩半柴胡去麩

菖蒲去苗紫苑去土黃連去鬚肉桂去皮

茯苓去目及閉口蜀椒者炒出汗人參去芦

厚朴去麩皮巴豆去皮炒心膜

皂莢去皮子川烏炮去皮研

右為末入巴豆和勻煉蜜口梧桐子大每服三
口生薑湯下食后臨卧漸加至五七口

血癖

紅圓子治經水不調腹中癖聚成塊流走作痛肌
膚消瘦脹滿不敢食用烏梅濃煎湯入鹽少許服
之薑湯下亦可方見大方科疾瘡類

大麝香口治瘡癖冷氣兼疰氣心腹痛不可忍

麝香半兩 別研

桃仁去皮 各一

檳榔各一

沒藥研別

阿魏一分 麩裏煨

三稜各三

莪茂煨

木香

五靈脂

芫花炒醋

桂心

當歸各半

右為末入麝香令勻用粳米軟飯為口梧桐子大每服十口不以時淡薑湯下

神效方一治痞癖及血氣

右以獾豬肝一具可及拾兩者用巴豆五拾粒去大皮剗在肝內用醞醋三盃慢火熬令肝爛熟去巴豆入砂鉢內研極爛入荆三稜末和就得所口如梧桐子大每服五口食前熱酒下
小烏雞煎口治痞癖癥瘕血氣塊硬發歇刺痛甚

則欲死或塊如小盤每作痛要人伏定方少止數年不愈者與

葱白散間服即效

吳茱萸

良姜

白姜

當歸去頭

赤芍藥

延胡索

破故紙

川椒

生乾地黄

劉寄奴

蓬莪茂

橘紅

青皮

川芎各一

荷葉灰四兩

熟艾二兩

右為末醋者麩糊口梧桐子大每服三五口

熱酒下

葱白散治產前後腹痛胎不安或血刺痛者無治

血臟宿冷百節倦疼肌體怯弱勞傷帶癖又服盡除婦人一切疾病最宜服之

川芎

當歸尾

枳殼去穢

厚朴

去麁皮薑汁炒

桂心

乾姜

芍藥

舶上茴香

青皮

苦棟子

木香

熟地黄酒炒

麥芽

三稜

莪茂煨

茯苓

去皮

神麴

人參

各等分

右為末每服三錢連根葱白二寸擘破鹽半錢煎服如大便不利入大黃煎却不入鹽若大便自利入呵子煎

腸覃

烏喙口治腸覃病因寒氣客於腸外與胃氣相搏正氣不榮繫寢內著惡氣乃起其生也始如雞卵久久乃成狀如懷胎按之堅推之即移月事時下故曰腸覃亦治乳餘疾大小便不利并食有伏蠱臚脹癰疽毒腫久寒邪氣

烏喙

炮去皮尖二錢

半夏

湯洗四錢

石膏

煨

藜蘆

炒

牡蒙

即紫參

菴蓉

酒浸各一錢

乾姜

炮

桂心

各一錢三字

巴豆

六七粒研膏

右為末煉蜜口葶豆大每服三五口食后酒或飲送下亦治男子疝痛

食積

三稜煎治血癥血瘕食積痰滯

三稜煨

菽茂二兩 煨各

青橘皮去白

半夏

麥芽一兩 炒各

右以好醋六升煮乾焙為末醋糊口梧桐子大每服三四十口淡醋湯下痰積多以薑湯送下

〔紅口〕子治食積作塊膨痛面黃方見大方科痰瘧類

〔五膈寬中散〕分心氣飲〔沉香降氣湯〕方並見大方科

諸氣類

血風

〔人參荆芥散〕治血風勞氣身體疼痛頭昏目澁心忪煩倦寒熱盜汗頰赤口乾痰嗽胸滿精神不爽或月水不調臍腹疔痛痲塊硬疼痛發歇或時嘔逆飲食不進或因產將理失節淹延瘦瘁乍起

乍卧甚即著牀常服除一切風虛勞冷孕婦莫服

荆芥穗

人參

桂心

生乾地黄

北柴胡去苗

鱉甲醋炙

酸棗仁炒

枳殼去穢

羊角屑別為末

白朮各七錢半

川芎

當歸

防風

甘草各半兩

右剉散每服三錢水一盞半生薑三片煎熟服日二服

〔單方〕治血風攻頭腦旋倒地不知人事

右以嫩蒼耳草心不拘多少陰乾為末不以時服一錢效

〔小黑神〕治血風走注攻刺半身不遂麻痺癢痒

急風口眼喎斜言語蹇澁手足拘攣

烏頭一箇

芫花

乾薑各五錢

右為末醋煮令乾更杵為末再入桂心天麻

海桐皮 黑豆為末入前藥和勻別用黑豆煮

極爛研如泥以豆汁調和前末研合為口每服

七口至十口以黑豆淋酒下忌一切毒物

〔大芎藭散〕治婦人血風身體骨節疼痛心膈雍滯

少思飲食

川芎一兩

赤茯苓

赤芍藥

酸棗仁炒

桂心

當歸去尾

木香

川牛膝各三分

羌活

枳殼去穢炒

甘草各半兩

右剉散每服三錢水一大盃薑二片煎不拘時

熱服

〔羚羊角散〕治血風身體疼痛手足無力心神壅悶

羚羊角屑

酸棗仁炒

生乾地黄

擯榔各一兩

五加皮

防風去叉

赤芍藥

當歸

骨碎補炒去毛

海桐皮

川芎各三分

甘草半兩

右為末每服三錢温酒調下

歷節風

〔麝香口〕治白虎歷節諸風疼痛遊走不定狀如蟲

嚙晝靜夜劇及一切手足不測痛

大八角川烏頭

二十粒皮勝生

生全蝎

二十箇

生黑豆

生地龍

去土淨半兩

右為末入麝香一字同研停勻糯米糊口菘豆大每服七口甚者十口夜卧令膈空温酒吞下微出冷汗便瘥

血虛

加味補虛湯治頭痛發熱多汗六脉虛細尺脉或絕作血虛治之服後藥見效

木附湯加川芎先服方見大方濕類十全大補湯加

附子次服大方科虛損類又服萬安口大方科虛損類神术散

大方科傷寒類內補口芎歸湯方見前

靈砂丹有婦人頭痛惡風發熱六脉沉取無根浮取却有乃是虛證

右用人參一二兩銀鈔煎湯空心下二十粒五更又下二十粒天明而愈方見大方科瘧冷類

薤白湯治血虛勞倦

鹿角膠

當歸去尾

黃耆鹽炙

肉桂

乾地黄酒炒

石斛

木香

白朮

白茯苓

鱉甲醋炙

秦艽

川巴戟

柑子皮各一兩

牡丹皮

天仙藤

甘草各半兩

人參二錢

枳殼三錢

右剉散每服水盃半生薑九片薤白三寸煎空心温服

桂香散治脾胃虛弱并脾血久冷

草豆蔻 去殼炒用 甘草 高良薑 到炒

白朮 縮砂仁 各一兩 青皮 去穢炒

訶子肉 各半兩 肉桂 一分 生薑 切焙

厚朴 去麩皮薑汁炒 棗肉 切三味各一兩水一椀

右為末每服二錢入鹽少許沸湯點空心服及

療腹痛又治冷瀉尤妙腹痛最難得藥此方只

是溫補藥耳特工止痛理不可知

顛狂

加味道遙散治患顛疾歌唱無時踰牆上屋乃榮

血迷於心包所致加遠志去心挑仁去皮尖蘇木

紅花各一錢水一盃半煎後方見服後病退却用平

胃散內減厚朴三分之一加生蒼朮二倍川升麻

等蒼朮一半水一盃半煎一盃服之全安須常服

以絕其根 方見大方科脾胃類

小柴胡湯治血熱顛狂加生薑生地黃同煎日三

服須服百餘服即安凡婦人顛狂未可頓服補心

藥多 方見大方科傷寒類

煩熱

油煎散治血風勞形憔悴肢節困倦喘滿虛煩噏

噏少氣發熱汗多口乾舌澁不思飲食

五加皮 牡丹皮 去骨 赤芍藥 當歸 去蘆各

右剉散每服三錢水一盃將青銅錢一文蘸油

入藥同煎溫服煎時不得攪喫不得吹日三服

常服能肥婦人

逍遙散治血虛勞倦五心煩熱肢體疼痛頭目昏
重心忪煩赤口燥咽乾發熱盜汗減食嗜卧及血
熱相搏月水不調臍腹脹痛寒熱如瘧又主室女
血弱陰虛榮衛不和痰嗽潮熱肌體羸瘦漸成骨
蒸

白茯苓

白朮去蘆

當歸去蘆酒浸

白芍藥

北柴胡去苗各一兩

甘草炙兩半

右剉散每服三錢水盃半薑三片麥門冬二十粒去心煎不拘時服一方加知母地骨皮

清心蓮子飲治同上方見大方科瘡渴類

春雪膏涼心退煩悶熱極壅盛

寒水石

石膏

滑石

赭石

朴消各五錢

甘草三錢

右為末每服二錢井水調下

朱砂膏治心臟驚熱至甚不省人事

朱砂

鵬砂

燄消各二錢半

金銀箔五片

寒水石五錢

腦子一字

石膏五錢

粉草三錢

右為末每服二錢麥門冬二十粒去心煎湯調下

敗毒散治但惡寒發熱煩燥緣表中寒邪故也服

之立效方見大方科傷寒類

黃耆散治熱勞羸瘦四肢煩疼心煩口乾不食

人參

黃芩

黃耆

大當歸各七錢半

北柴胡去蘆

麥門冬去心

地骨皮

赤茯苓

各一兩

生地黃

赤芍藥

甘草

各五錢

右劉散每服四錢水一盃半生薑五片煎溫服

心痛

九痛_口治九種心痛一蠱二疰三風四悸五食六飲七冷八熱九者去來此悉主之又治連年積冷流注心胃疼痛并療冷氣衝上落馬墮車瘀血等疾

狼毒 半兩

乾薑

人參 各一兩

附子 炮去皮三兩

茱萸 一兩

巴豆 去皮心膜炒乾取一兩

右為末煉蜜和口梧桐子大每服一口空心溫酒下卒中惡心腹脹痛口不能言者服二口立安

奇方 血刺心痛

右用玄胡索不以多少新瓦上炒微黃不可焦為末每服三錢酒一盃煎服或陳米飲不炒亦可用酒服効速

又治急心痛 南康真蚌粉為末炒赤以酒調熱服

腹痛

北亭_口治久積冷氣腹痛傍攻兩脇或上心間刺痛發歇無時羸弱減食經年不愈或加嘔吐 方見大方類

當歸建中湯亦效 方見大方類

奇方 治臍腹刺痛不省人事一服立止若因為心氣痛誤矣

白芍藥

五靈脂

木通

去皮用各五錢

右剉散每服四錢醋一盞煎一二沸再入水一盃再煎三沸去滓空心溫服

脇痛

木通散治脇肋苦痛

木通去皮煎

青皮去白

川練子

去皮同各

一兩三錢用巴豆半兩同炒黃去巴入用

蘿蔔子

炒

船上茴香炒一兩

菝葜

木香

滑石各半兩

右為末煎葱白酒調三錢一服愈甚者再服

廉氣散治兩脇刺痛攻心

方見大方科諸氣類

風痺

三痺湯治血氣凝滯手足拘攣風痺氣痺等疾皆

治之

川續斷去蘆

杜仲去皮切薑汁炒

防風

桂心

華陰細辛去葉

人參

白茯苓

白芍藥

當歸

甘草各一兩

秦艽

生地黄

川芎

川獨活

川牛膝

黃耆各一兩

右剉散每服五錢水二盞生薑三片棗子二枚煎一盞不以時熱服但腹稍空服有人病左臂不隨后已痊平而手指不便無力試諸藥不效服此纔半而安

臂痛

舒經湯治臂痛又名五痺湯亦治腰下疾

片子薑黃兩四

甘草

羌活各一兩

白木

海桐皮

當歸尾去

赤芍藥各二兩

右到散每服三錢水一盞煎溫服如腰以下疾

空心腰以上食后服

交加散乃五積散敗毒散合和治弱者或兩臂或

一臂冷痺作痛起手甚艱每服四錢薑三片棗二

枚木瓜三片水一盞半煎不拘時服未效再加川

牛膝方見大方寒類仍間服通氣驅風湯方見風科

神保口治因食酒毒熱物過度痰飲與氣蓄聚所

作臂痛每服二七粒柿蒂湯下得利或不利皆效

方見大方科諸虛類

四物湯治血滯作臂痛加紅花煎方見前

搐搦

白薇口治手足搐搦痰涎壅盛不省人事多因血

虛七情所感而生先將蘇合香口溫酒化開多服

后服此

白薇

紫石英火煨

琥珀研別

白芍藥

挂心不見

川續斷酒浸

防風去蘆

山茱萸取肉

當歸去蘆

柏子仁炒

川烏炮去皮

牡丹皮去木

木香不見

麝香別研

右為末生薑自然汁打米糊口梧桐子大每服七十口空心食前温酒或米飲下
澤蘭口治女子血實七情所感卒然手足搐搦狀類癇證却不可作癇治之先多以蘇合香口酒服却投此立效

當歸

去芦酒浸

澤蘭葉

琥珀

別研

羚羊角

別研

牡丹皮

去木

防風

去芦各

麝香

別研

安息香

酒煮去沙

生地黄

各

赤芍藥

各一兩半

鐵粉

橘紅

各半兩

右為末煉蜜口梧桐子大每服七十口空心食前温酒或米飲下

湛濁

(二豆散)治耳鳴心燥腰脚疼重腹内虚鳴臍下冷痛頻下白水如泔名湛濁證

肉豆蔻

白豆蔻

丁香

巴戟

丁皮

白茯苓

蒼朮

桂心

黑附

火煨各一兩

白朮

人參

山藥

桔梗

茴香

粉草

各五錢

右剉散每服三錢水一盞半生薑三片紫蘇葉三皮煎空腹温服

(勝金口)治渾身壯熱頭疼臍下疔痛下淡紅水

當歸

去尾

白芍藥

鹿茸

燎去毛酒炙

鱉甲

川芎

白朮

大艾炒

側柏葉

赤石脂醋煨

川白芷

烏賊魚骨各等分

右為末蜜口如龍眼大每服一口空心鹽酒下

或敗棕燒灰調酒吞下

餘糧散治心燥四肢痠疼所下五色腰脚臍中緊痛

禹餘糧醋煨

地榆

阿膠

赤石脂

紫金皮

茴香

粉草

側柏各等分

右為末每服二錢米飲調下

烏金散治身熱口燥頭痛如破氣塊築痛下黃水如葵汁

百草霜

銚內炒烟盡為度

紫金皮

米泔浸煮色紫粉草炙

右為末每服二錢艾湯調或用淡醋湯空心服

又方加入住紅蘇根金櫻子根心嘈猪血入鹽炒

酒吐紅飯飲勻月水水瓜當歸浸酒赤白帶下

葱白連根煎酒血海虛冷下白不止用鯉魚一

介去腸肚不去鱗將油髮一塊入魚肚內黃泥

固濟炭火內燒煙淡淡留性去泥碾為末后入

當歸頭甘草炒為末每服一錢用舊酒調下

白濁

金鎖正元丹

方見大類秘精口方見大方

四七湯吞青州白口子

方見大方類及風科通治類

崩漏

〔鎖宮口〕治崩漏不止或五色或赤白不定或如豆
汁或狀若豚肝或下瘀血臍腹脹痛頭暈眼花久
久不止令人黃瘦口乾胃煩不食

代赭石火煨醋紫石英製同禹餘糧製同

香附子去毛醋煮陽起石煨紅芎藭

鹿茸燉去毛茯神去木阿膠蛤粉

當歸去芦酒浸蒲黃炒各血竭別研

右為末艾醋汁打糯米糊口梧桐子大每服七

十口空心米飲下

〔柏子仁湯〕治憂思過度勞傷心經心主血心虛不
能維持諸經之血亦能致崩中下血之患

當歸去芦酒浸芎藭 茯神去木

小草 阿膠蛤粉 鹿茸燉去毛

柏子仁炒各 香附子二 甘草炙半

川續斷酒浸一

右到散每服四錢水盞半生薑五片煎空心食

前溫服

〔秘方龍骨口〕治半產後及下虛數月崩漏不止

白牡礪 北赤石脂已上 大赭石並煨

白龍骨中酒下 伏龍肝去血 海螵蛸

五靈脂各等 灰柏葉各等 棕攏不拘多

真蒲黃多加

右為末醋糊口如梧桐子大每服三十五口以
十全大補湯三錢加嫩鹿茸去毛酒炙阿膠蚌

粉炒各一錢半薑三片棗二枚烏梅二箇煎吞服立效

〔平胃散〕治脾血不固崩漏温酒調下方見大方科脾胃類

〔滋榮口〕治勞傷過度致傷臟腑衝任氣虛不能約

制或暴下崩中或下鮮血或瘀血連日不止淋瀝

不斷形羸氣劣倦怠困乏並皆治之

赤石脂去海螵蛸去側柏去

右為末醋糊口梧桐子大每服三十口飯飲送

下空心日三服神效

〔加味四物湯〕治經斷後多年忽然再行遂成崩漏

腹痛寒熱加人參茱萸生薑紅棗煎兼用熟附口

四物湯方見前

〔熟附口〕

大川芎當歸赤石脂煨

白龍骨木賊熟附子各等分

右用醋米糊口梧桐子大每服五十口米飲吞

下漸安

〔金華散〕治經血得熱崩漏不止口苦咽乾經候不

通宜服

延胡索瞿麥川當歸

牡丹皮乾葛石膏二

蒲黃兩半桂心兩歲靈仙各三分

右為末每服二錢水一盞薑三片煎食前温服

黃日二三服

〔黃芩湯〕治崩中下血諸藥多用止血補血之劑此是陽乘陰前所云天暑地熱經水沸溢是也

〔又方〕右用黃芩不以多少為末燒秤鍾淬酒調下

黃芩

黃蘗

黃連

各一錢

三錢去毛

右用水四盞煎取一半去滓入炒阿膠末五錢滓再煎溫溫分三服空心腹痛加梔子三錢亦可

〔又方〕治積年血崩一服而愈

右以草血竭嫩者蒸油鹽薑淹喫小酒嚥下或收為末薑酒調服血竭草生於磚縫井頭少在地上

〔梅飲子〕治血崩不止

鹽梅七箇燒灰為末空心

米飲服

〔又方〕陳槐花一兩百草霜半兩為末燒紅秤鍾淬

酒下

〔五倍子散〕治血崩帶下

大艾

醋一兩

五倍子

二兩

烏梅

半兩

川芎

兩半

右為末每服二錢空心米飲下兩服止

〔奇效四物湯〕治有熱久患血崩一服稍安八服無恙

當歸

頭尾

熟乾地黃

洗

白芍藥

大川芎

大艾葉

阿膠

蛤粉炒

黃芩去爛者各半兩

右到散每服四錢水一盞半薑五片煎空心温服

〔豆花散〕治白崩不止紫者不用白扁豆花焙乾為末

炒米糞飲入燒鹽少許空心數服即效

〔又方〕棕櫚絲瓜燒灰等分為末鹽酒或鹽湯下

灸法治白崩小腹橫文當臍空直下百壯又灸內

踝上三寸左右各百壯名三陰交

治漏下不止或赤或白灸交儀穴在內踝上五

寸

帶下

〔白斂〕治衝任虛寒帶下純白

鹿茸醋蒸焙二兩

白斂

金毛狗脊煆去毛各一兩

右為末艾煎醋汁打糯米糊口梧桐子大每服

五十口空心温酒下

〔當歸煎〕治赤帶不止腹內疼痛四肢煩疼不欲飲

食日漸羸瘦

當歸去芦酒浸

赤芍藥

牡礪火取

熟地黄酒蒸焙

阿膠剉炒

白芍藥

續斷酒浸各一兩

地榆半兩

右為末醋糊口梧桐子大每服五十口空心米

飲送下

〔卷柏〕治腹臍冷熱相攻心腹絞痛腰腿俱疼赤

白帶下面色萎黃四肢羸乏

白黃耆水去蘆蜜 熟地黃洗各兩半 卷柏炙醋

赤石脂煨醋 鹿茸炙醋 白石脂

芎藭 代赭石煨醋 艾葉炙醋

桑寄生 鱉甲炙醋 當歸去蘆酒洗炒

地榆兩各一 木香火不見 龍骨兩各半

乾薑分炮一

右為末醋煮糯米糊口梧桐子大每服七十口空心食前米飲送

紫金散治衝任虛損月水過多崩漏帶下淋瀝不斷腰腹重痛凡是五色帶疾並皆治之

禹餘糧水煨醋 赤石脂煨

龍骨器煨石研 白芍藥 川芎

附子 熟地黃 當歸兩各一

乾薑炮 肉桂各半兩

右為末每服二錢入麝香少許空心米飲調日二服

香附散治赤白帶下

百草霜兩一 當歸 香附子

紫金皮 烏藥錢八 伏龍肝兩一

右為末以水牛膏同苗香炒舊酒調三大錢不拘時候通口服忌卯魚腥母猪等肉

白芷口治婦人帶下腸有敗膿淋漓不已腥穢殊甚遂至臍腹更增冷痛此蓋為敗膿血所致卒無已期須以此排膿

白芷

一兩

單葉紅蜀葵根

二兩即單

無則以蘇木節代之亦可

白芍藥

白礬

各燒研

右為末蠟口如梧桐子大空腹米飲下十口或十五口候膿盡仍以他藥補

〔白芍藥散〕治赤白帶下臍腹疼痛神效

白芍藥

一兩

乾薑

兩半

右為末微炒黃色每服二錢空心米飲下晚又服半月效

〔秋霜丹〕治赤白帶下

真秋石為末北棗去皮煮爛為口梧桐子大每服五十口空心醋湯下

求嗣

〔溫經湯〕治衝任虛損月候不調或來多不斷或過期不來或崩中去血過多不止小腹有寒久不受胎曾經損娠瘀血停留小腹急痛發熱下痢手足煩熱唇口乾燥

吳茱萸

三兩湯洗

半夏

二兩半洗七次

當歸

去

人參

去

白芍藥

牡丹皮

桂心

去麋皮

阿膠

搗破

川芎

甘草

炒各二兩

麥門冬

去心五兩半

右剉散每服四錢水一盃半薑五片煎空心熱服經事來多不斷以此吞服暖宮口亦效

〔暖宮口〕治婦人無子暖子宮冷服之神效

附子

炮去皮

杜仲

炒斷

地榆

桔梗

白薇去土

川牛膝去苗

川白芷

黃耆

沙參

厚朴去麩皮薑汁炒各四錢

北細辛去葉

乾薑

蜀椒各二錢半

右為末煉蜜口梧桐子大每服二十口鹽酒下服之一月自然有孕局方四物湯羊肉口多服亦效

抑氣散治氣盛於血所以無子尋常頭暈膈滿

體痛怔忡皆可服之香附子乃婦人之仙藥不可

謂其耗氣而勿服

香附子炒并淨四兩

茯苓去木一兩

橘紅二兩

甘草炙一兩

右為末每服二錢食前沸湯調服仍兼進紫石

英口前方見

小温經湯治經血不調血臟冷痛此方甚平易用

藥徑捷

當歸去尾

附子炮去皮臍各等分

右剉散每服三錢水一盞半煎空心温服

秦桂口治婦人無子經進有效

秦艽

桂心

杜仲炒斷

防風

厚朴各三

附子生

白茯苓各兩

白薇

乾薑

沙參

牛膝未

半夏各半

人參一兩

細辛一分

右並生碾為末煉蜜口如赤豆大每服二十口
空心食前醋湯或米飲下未效更加口數已覺
孕便不可服

〔陽起石〕治丈夫真精氣不濃不兆施是以無子

陽起石

火煨紅研極細

鹿茸

酒蒸去毛焙

兔絲子

水淘淨酒浸

天雄

炮去皮

韭子

炒

肉蓯蓉

酒浸已上

覆盆子

酒浸

石斛

去根

桑寄生

沉香

別研

原蠶蛾

酒炙

五味子

各半兩

右為末酒煮糯米糊口梧桐子大每服七十口
空心鹽湯或鹽酒下

〔濟陰丹〕治婦人久冷無子及數經墮胎皆因衝任

之脉虛損胞內宿挾疾病經水非時暴下不止月
內再行或前或后或崩中漏下三十六疾積聚癥
瘕臍下冷痛小便白濁以上疾證皆令孕育不成
以致絕嗣前方見
灸法婦人絕子灸然谷五十壯在內踝前直下一
寸

又法絕嗣胞門閉塞灸關元三十壯報之
婦人姪子不成數墮腹痛漏下灸胞門五十壯
在關元左邊二寸是也右邊二寸名子戶前見

雜方

〔厚朴〕治婦人胃冷嘔吐不下食雜三十口不吐

厚朴

去麋皮切薑汁炒三兩

附子

去皮剉如豆三兩

右以生薑汁一升水五合煮令汁盡焙乾為末以酒煮神麩為口梧桐子大每服三十口不拘時溫酒下

芎歸湯治頭暈痛諸脉平和惟肝脉獨弱可預見有崩疾來及治血虛頭暈方見前即佛手散

橄欖口止渴潤咽乾

川百藥煎

烏梅

甘草

石膏

各等分

右為末煉蜜口如彈子大每服一口噙化

橘歸口治肌膚手足俱有血線路此怒氣傷肝血失常經以致如此服之神效

橘皮

二兩

當歸

一兩

右為末煉蜜口梧桐子大每服三十口溫酒下

八味口治大小便秘澁此血弱不能榮養臟腑津

液枯澁數服即愈

方見大方科瘡渴類

鹿茸口治虛弱服剛劑太過發搖此肝血不足為

剛劑所燥故令搖搦服此而愈

方見大方科瘡渴類

芍藥湯治冷證脇痛諸藥不效正升棗一對同煎

香附子

四兩黃子醋二升鹽一兩煮乾為度

肉桂

延胡索

白芍藥

右為末每服二錢沸湯調不拘時候服

虎骨散治腰上竇肉處痛不可忍

右以麝香末半錢用酒調服

補心湯治陰中生瘡名曰蜜瘡或痛或痒如虫行

狀淋瀝膿汁陰蝕幾盡治之當補心養胃

白茯苓湯洗人參湯洗前胡

半夏湯洗川芎湯洗橘皮

枳殼去殼紫蘇湯洗桔梗

甘草湯洗乾薑湯洗當歸湯洗

白芍藥湯洗熟地黄湯洗肉桂

右剉散每服四錢水盞半薑五片棗一枚同煎

食前服

狼牙湯治陰中蝕瘡爛潰膿水淋漓臭穢

狼牙剉煎濃汁以綿纏筋頭大如蠶浸濃汁瀝

入陰中數次

雄黃兌散治下部匿瘡

雄黃研

青箱子

苦參

黃連各二分

桃仁去皮尖

右為末以生艾擣汁和如棗核大綿裹內下部

未效更加扁竹汁無艾只用綿裹散子內下部

亦可

洗塌湯療陰蝕

甘草

乾漆各一兩

黃芩

乾地黄

當歸

芍藥各二兩

龜甲五兩

右剉散用水七升煮取一半去滓以綿帛納湯

中以塌瘡處良久即易日二度每塌湯可行十

里許即裏乾捻取甘濕散薄傅瘡上使徧可經

半日又以湯搗搗訖如前傳藥甘濕散用五月
生香石硫黃鍊精為末
愈 藿香養胃湯 治陽明經虛不榮肌肉陰中生瘡不

藿香

白朮

白茯苓

神麩炒

烏藥去木

縮砂仁

薏苡仁

半夏炒

人參各半

葶澄茄

甘草炙各三錢半

右到散每服四錢水盪半薑五片棗二枚同煎
不以時

妳癰瘡

黃瓜萋

一二箇連皮
穰子到碎

右用無灰常酒一二升於沙瓶內煮存一升去
滓時時溫服酒盡再煮滓服如覺初時便服此
藥即時痛止更不成瘡如已成瘡服之其瘡自
穿而痛自止

又方 尺未成瘡纔覺腫硬作痛以葱早熨之其法

用中樣小海味瓶口寬者以炭火入瓶內上以
熱灰填滿平瓶口用葱葉及葱白搥損令徧覆
瓶口以手帕子裹定倒執將瓶口向腫處任意
輕輕熨之有驗

治茄子疾心燥連綿黃水易治白水難愈烏金二

豆散薑棗子煎溫服前方見

又方 生枳殼為散煮熏洗却用絹帛包枳殼滓納

陰中即日漸消

〔洗方〕茄皮白礬馬稻頭根朴消澤蘭煮水熏洗加入炒石灰少許尤妙

〔傳藥〕朴消為末黃荆柴燒瀝調敷或用濃鉄漿水敷

下疽病心燥四肢痠臍輪冷痛或腹中絞刺小嘉禾散猪肝蒜片煎服方見前

〔又方〕硫黃一兩大鯉魚一箇去頭皮納入藥故紙裹黃泥固濟火煨煙盡為末米糊口梧桐子大

每二十口温酒下如下疽生虫所下如柿汁臭穢心中疔痛悶絕虛煩甚者不可治

〔磁石散〕治子宮不收名瘕疾有痛不可忍者

磁石 酒浸

右為末糯米糊口梧子大每服二十口空心滑石湯下

〔鉄粉散〕治同前

當歸 酒浸 磁石 半兩 酒浸 鉄粉

右為末米飲調下隔夜用角藥次日服此用藥

熏洗方荆芥穗藿香葉臭椿樹皮煎湯熏洗即入托藥草麻葉者上好飛過白礬為末以紙片攤藥

托入 搽藥先以淡竹根煎湯洗仍用五倍子白礬為末

乾搽立效治牛亦驗

敷藥用溫鹽水洗軟却用五靈脂燒煙熏次用草
麻子研爛塗上吸入如入即洗去
治腫不收麻黃荆芥茄種皮蛇床子真杉木刺蝟
皮為末敷或煮水熏洗小麥朴消白丸五倍子葱
白煮水淋

膏髮煎暖穀氣實胃氣下泄陰中出血

髮灰 猪脂

右調傅繇裹如棗核大納陰中

治脚赤腫

荆芥

石膏

地龍 炒

薄荷

右剉散薑三片蜜少許煎服

治陰瘡與男子妬精瘡略同

右用黃丹枯白丸篇蓄藁本各一兩硫黃半兩
白蛇皮一條燒灰荆芥蛇床子各半兩研為末
別以荆芥蛇床子煎湯溫洗軟帛搥乾清油調
塗濕則乾摻

青黛黃丹水粉五倍子肉鋪上拭肉巾燒灰
為末用小絹巾入陰中搥乾如乾用荆芥薄荷
柏葉煎水洗再搥乾清油調藥塗上

又方先用黃芩海桐皮白丸韭菜根煎湯洗後用
敗鼓皮燒存性細研入輕粉在內刮下雞腸上
膏調塗瘡上如虫喫入陰內用雞子一箇煮熟
去殼塗藥末於上綿子兜入陰中向火灸患處
得痒即虫行若身微作寒服藿香正氣散二三

服藥明世... 又方真平胃散加貫衆末每用二錢熟煮猪肝拌藥入陰戶數日可安

治疔瘡月后便行房致成湛濁伏流陰道疔瘡遂生搔痒無時先用胡椒葱白作湯一日兩三度淋洗却服後藥

赤石脂 龍骨 黑牽牛 兔絲子 黃耆 沙苑疾藜

右為末蜜口梧子大每二十口燕窠蒸酒澄上清者吞下

治陰中生瘡如虫咬痛可生搗桃葉絲裏納陰中日三四

黃芩散治陰門生瘡

右用黃芩當歸川芎白礬黃連劉散煮水熏洗即安

治陰門腫方

右以甘菊苗研爛百沸湯淋洗熏后洗

月經不行說... 二七天癸至七七天癸竭行早性機巧行遲魯鈍通行則陰陽和合始能生子行年十四歲當時二十歲不行命如風燭朝不保暮有病發則死間有不死百中無一亦令一生多病未嘗一日安裕然有四季行亦可又有一年一次者亦不甚佳或一生不循正道而行者晚年有僻疾

則難治也一主不節五臟而於皆細末首煎

(洗心散) 方見前 治陰中生一物所大牽引腰腹膨

痛至甚不減飲食皆因多服熱藥及煎燂或犯非

理房事無意淫不遂名陰挺每服二錢生地黃湯

調仍用金毛狗五倍子白礬水楊根魚腥草山黃

連各一兩重為散分作四服以有紫瓦罐煎熟預

以銀錫作一長小筒下透罐嘴上貫挺上先熏後

洗立效之服白薇散凌霄花少許煎 方見前

(三菜口)

食茱萸 吳茱萸 湯洗 微炒 桔梗 水浸一伏時

白蒺藜 青皮 去白 山茱萸 去核炒

船上茴香 淘去砂土焙 五味子 揀淨

海藻 焙洗 大腹皮 酒洗過 川練子 去核

玄胡索 各一兩 二錢

右為末酒糊口如梧桐子大每服三十五口木

通湯下下虛加川烏炮去皮肉桂去麋皮各一

兩腰腹疼甚加桃仁去皮尖麩炒別研青皮去

白枳實去穢各一兩真南木香七錢半

(一捻金口) 服前藥未效却用

玄胡索 船上茴香 吳茱萸 炒

川練子 去核 青木香 各二兩

右為末粳米糊口如梧桐子大每服三十五口

空心木通湯服又用梅花腦子半錢鐵孕粉一

錢水調刷上如陰畔生疱以涼血飲每服三錢

加凌霄花少許煎空心服見前
（四物湯）治產育艱難或一歲一產可以此少間之
每服三錢加薏薹子一撮於經行後空心服又方
用
（升麻葛根湯）二兩加瞿麥乾土牛膝括樓根豆豉
炒各半兩為散分作八服空心一二服合滓亦於
每月经行後便服每服亦加薏薹子一撮尤妙

世醫得効方卷之十五



